

MONGOAHA OA

KEREKE EA PERGAME

 Ho lokile. Joale, ho latela tsebo ea ka, ho ka ba molemo ho le tima. Ho lokile.

² Re thabetse ho ba mona hape bosiung bona ts'ebeletsong ea Morena. 'Me maobane bosiu ke utoile Lilemo tse Sekete li thile. 'Me joale re fumane tse ling, ke kholoa lipotso tse 'maloa mona, ke tla li nokela mokotleng oa ka hore . . . ke—ke kholoa ena e le thapelo . . . ho rapelloa. 'Me re a . . . 'Me ke tla leka ho araba ka bokhoni boo nka—boo nka bo khonang.

³ Hela, ha le ka bolella Doc haeba a ka "ho tima ntho eo," e le hore . . . mona le a mphahla, ka hona, ke se be tlasa khantšetso eo. Le a tseba, ha ke—ha ke e mong oa bareri bana ba tlasa khantšetso. Molemo ke ha le tinngoe, ke a kholoa. Qetela . . .

⁴ Ke molato oa ka, Doc. Ke a baka, ke—ke a baka, le a bona. Oh, oh, ebe u . . . ? U tšoanelo ho khantša holimo mane ho laola ntho eo? [Moena Branham o buisana le moena oa hae, Doc—Mohl.] Oh, be, le tlohele. Yaa. Be, le tlohele feela. Oh, che! Joale, u se ke oa le liha. Yaa. Joale ke rata seo ho feta. Ka linako tse ling . . . 'Me ha ke rate ha lebone le u khantšitse hantle sefahlehong, le a tseba. 'Me—'me le khantšetsa mona moo ke bonang ntho hantle ho feta. Ke a u leboha, monghali. E tla mo kenya mathateng.

⁵ Le a tseba, u ke ke oa qeta mengoaha ena ea kereke. 'Me kajeno ha ke ntse ke hlahloba ena, ka re ho mohatsa ka, ka re, "Oh, banna! Ke—ke tšoere lihlooho tse lekanang ho rera lithero tse mashome a mahlano ka morao ho ena feela." Le a bona? 'Me li feela . . . ha ho mokhoa ho e finyella haese ho e hlaba lihlooho feela, re tla leka ho batalla ho feta ha re ngola buka.

⁶ Ha ke a u bona mona, moena. U phela joang, Moena West? Ke sa tsoa utloa litaba tse monate, setho sa ho qetela sa lelapa la Moena Daulton se sa tsoa kena, moshanyana e mong . . . ngoanana e mong. Ba leshome, ho joalo? Robong. U sa hopola hore e ne e le tlasa bosebeletsi bo bocha mohla Morena a 'molellang hore e . . . lelapa la hae le tla pholosoa. Esale ke ba rapella, ke eme mono ke sa tsebe seo ke tla beng ke se bua, Moea o Halalelang oa re, "Ke u neha lelapa la hau." Le bona? Uh-huh. 'Me ke eo, e mong le e mong oa bona. Le bona kamoo Morena a sebetsang? Le a bona, mantsoe a Hae a phethahetse, le ka mohla, le ka mohla ha a hholehe. Be, ha re batle ho kena lehlakoreng la pholiso ea Khalalelo, re ntse re leka ho lula halelele kamoo . . . karolong ena, lehlakoreng la boporofeta.

⁷ Joale, bosiung bona ke tla leka ho bua feela, 'me ha nka khona, 'me re tla theohela likarolong tsa nalane tsa mongoaha kereke ona o moholo, ea bobeli... kapa mongoaha oa kereke ea boraro bosiung bona. Na le a e thabela? E babatseha feela. Ke hopola ho babatseha kamoo Morena Jesu a re hlohonolofalitseng le ho re abela lintho tsena, 'me re e ananel ka pelo eohle ea rona, ka ho retsebisa pele nako e fihla se tlang ho hlaha kamoso. O tseba qetello esale qalong, re thabetse hoo haholo. Re tsepile Morena a tla re hlohonolofatsa.

⁸ 'Me na le lemohile, maobane bosiu, Moea o Halalelang o re neile (ka morao ho tšebeletso) melaetsa e meraro le litšokoloho tse tharo. Hantle feela. 'Me ea re Moea o sa bua, ea boela ea khutla koahollong ea ho qetela, ha phetoa, ha thoe, "Seo Moea o se bolellang likereke..." Oh, "Ea nang le tsebe, a utloe seo Moea o se bolellang likereke." Feel a... 'Me Moea o bua ka lineo tsa kereke. Oh, kereke e ke e li baballe ka hlompho joale, le a bona, le li baballe ka hlompho feela. Le hlokomele; Satane o tla fihla, a leke ho le khannela koeetseng ka eona. Le kholisehe hoba ke Moea o Halalelang nako le nako. 'Me haeba e le Moea o Halalelang, O tla bua ka kotloloho ka ntho e tla beng e etsahala. E etselitsoe khahiso ea kereke. Le a bona? 'Me ha le ka apara hlompho ka lintho tseo, Molimo o tla le ekeletsa. Le a bona, ho ekeletsa ho feta le ho feta. 'Me ha...

⁹ Joale, motho esale a letsas a botsa... batho ba letsitse kajeno ba botsa ka litšebeletso tsa pholiso. Joale, hang hoba tšebeletso ena e fete, mantsiboea a Sontaha se tlang, ke tla falla matsatsi a 'maloa, ho phomotsa 'metso oa ka nakoana, 'me Sontaha se hlahlamang, ha Morena a ratile, re tla tšoara tšebeletso ea pholiso, hoseng ha Sontaha se hlahlamang. Eo e tla be e le... ha ke tsebe feela e tla ba letsatsi lefe, empa e tla ba veke ho tloha... La 18, Sontaha hose-... Na ho joalo, Moena Neville? Uhm? [Moena Neville o a aranel, "E, monghali."—Mohl.] Sontaha hoseng, oa la 18, ho rapelloa bakuli.

¹⁰ 'Me tabeng ena, molisa oa rona mona, ha ke fumane monyetla ho bua ka eena haholo, empa ke batla lona bohle, le leke ho kopana le molisa oa rona. Ruri ke—ke moena oa sebele ho Kreste. Re thabetse ho ba le moena ea... o holetse motheong oa Methodise ea khalalelo. 'Me bohle re tseba Orman Neville, mang le mang mona. Ha ho mang ea ka supang bophelo ba hae ka monoana. Nka... Ha a rate ha ke rialo, feela nka mpa ka mo hloma rosa joale, sebakeng sa khare eohle mohla a seng iketse. Le a bona? 'Me joale ke nako.

¹¹ Bosiung bo bong ha ke tsoa kerekeng motho o itse, "Oh, Moena Branham, ke hlile ke ananetse ther eo."

Mme ka re, "Kea u leboha."

¹² 'Me motho ea emeng monyako, (e ka ba lilemong tse ngata tse fetileng, koana tabernakeleng mona) moreri, ho re, "Be, ho

bokoe Molimo, ha ke batle mang ho rialo ho 'na." Le a bona? Ho re, "Ke batla khanya eohle e lebisoe ho Molimo."

Ka re, "Be, ehlide e joalo." Le a bona? 'Me ka re, "Be, 'na, ke a e rata." Ka re, "Ke hlile ke a e rata." 'Me ka re, "Ke tlameha ho tsepahala."

'Me a re, a re, "Be, 'na ha ke rate ha batho ba bua joalo ka 'na, ho bokoe Molimo!"

Ka re, "Phapang e 'ngoe feela lipakeng tsa ka le uena: 'na ke a tsepahala ka eona, athe uena che."

¹³ 'Me motho mang o rata . . . Ha u nka ngoana, u mo thoholetsa, o tla sebetsa hantle ho feta. Le a bona? Ke hantle. Le a bona? 'Me Molimo, kamehla, O rata ho bolella bana ba Oona ha a sebetsa hantle. U rata ho ba bolella ha ba sebetsa hampe, hovaneng u sa ba bolelle ha ba etsa hantle? Le a bona?

¹⁴ Ka hona ruri ke leboha Molimo ka Moena Neville ha e le molisa oa mohlape ona mona tabernakeleng. Le ho bona monna eo, oa motheo oa Methodise, lenama ho . . . Khele, joaloka ho batla ho ja lesakeng le phoso. Ka hona . . . empa ho fumana ka e—e Moea o Halalelang o moholo, le ho kena joale lineong tseo; le kamoo Moea o Halalelang o mo sebelisang ka makhethe athe ha a sebelise kelello ea hae. Shebang koahollo e tlang ka morethetho o tšoanang, le ka meepa le metheo e tšoanang, joaloka maetsi le maetsitsi, le joalo, le ho e arabela hantle hape.

¹⁵ Le moenanyana enoa, ha ke nahane e le . . . Junior Jackson. Be, ke tla itholela, Junie. Ke leboha Molimo ka Junie Jackson, ehlide moena o na le neo e kholo ho tsoa ho Morena.

¹⁶ Le ho lula ka boikokobetso kamehla. Joale, e mong le e mong ka kerekeng o behetsoe ho etsa ho hong; empa le se ke la e fapanyetsa ka ho hong, le mpe le e nyalyane le kereke eohle. E etselitsoe Molimo, lintho tsohle. Le a bona? Le a bona? Mang le mang a se ke a batla ho bua ka maleme, e mong le e mong a koaholle.

¹⁷ Leka ho etsa ho lokileng le ho lula ka ho loka; ho se boloke lonya, ho se likhang, ho se lumelle lengana lefe. Ho sa tsottelehe bobe ba motho 'me ba u bua hampe ha kae, se lohothe bobe pelong ea hau khahlano le bona; hoba diabolosi o tla kena hantle mono, a fehle nthoana hantle ka mono. E baballe e koahetsoe ka lerato la borapeli, maipolelo, le ho lokisa litaba, ba u etsang hampe u ba etse hantle. "Ekare ha le etsa hantle ba le etsang hantle, khele," Jesu o itse, "na le bona balekhetho ha ba etse joalo?" Le a bona? Baetsalibe, mang le mang a ka loka ho ea ba etsang hantle. Empa ba u etsang hampe u ba etse hantle, seletsetsa ba ke keng ba u etsetsa letho. Bua hantle ka monna ea ka u buang hampe, u ntša bokhopo joalo pelong ea hau; 'me u rata motho e mong le e mong, ha u lula leratong.

¹⁸ Joale u re, “Be, ba entse...” Ha re baahloli, Molimo ke Moahloli. ’Me ha u batle ha motho eo a lahleloa kantle, ha ke re? Ruri lekhale, ho sa tsottelehe na ke bomang. Ha u batle seo, leka ho ba mosa ho bona. “’Me lerato le koahela sebe se sengata.” Uh-huh. E, monghali. Lerato, le molemo leo feela, la Mokreste, Lerato la borapeli.

¹⁹ Ha motho a nyoloha a u bitsolla “mohalaleli-mothethethi” le mabitso a mefuta eohle, joale—joale u se ke oa iketsisa, le a bona, ha u sa khone ho e etsisa, tloha u ikele. Empa ka pelong ea hau, u khone ho fihla moo u ka reng, “Be, eona . . . joale, mohlomong, moena, ha u ka utloisia, joaloka ’na, u ka ikutloa joaloka ka ’na ka eona.” Le a bona? ’Me u be mosa haholo ho eena, le ho tsoelapele ho e tlohela joalo. Leha re ka fapano bohole ba bochabela le bophirimela, ha e etse phapang ea letho.

²⁰ Joalokaha ke buile bosiu bo bong, moena oa ka o na le e . . . ke sephankha sa monna, Melvin; o molelele, moriri o mosehla. Joale, ha re tšoane ebile ekare ha re amane ho hang. ’Me lijo tsa rona—tsa rona li fapano, le litakatso tsa rona li fapano; empa koana ’mè oa hae ke ’mè oa ka, ntatae ke ntate oa ka, ke moena oa ka. Le a bona? Hobane re hlahetse lelapeng le le leng.

²¹ Joale, re a fapano. Melvin hase Mokreste, o rata beisebolo, mejaho ea lipitsi, le lintho tse kang tseo. ’Me ke—ke a kholoa o rata phae ea chokolete, mono ke a kholoa re a fapano. Ka hona ha ke—ha ke rate mejaho ea lipitsi kapa beisebolo, ke rata ho tšoasa lihlapi le ho tsoma. Le a bona? ’Me a ke ka e fapanyetsa letsoho, le ’na nke ke ka fapanyetsa e ’ngoe letsoho. Ka hona, le a bona, empa o rata phae ea chokolete ’na ke rata cheri. Ka hona . . .

²² Joale, ha ke hakanye, le a bona. Empa ke e buile khetlo le leng kopanong nqa e ’ngoe, ka re ke rata phae ea chokolete, bosiu bo latelang keha ke tšoere lichokolete tse ka bang hlano . . . kapa phae ea cheri, keha ke phehetsoe liphae tse ’ne kapa tse hlano tsa cheri ke likhaiselsi ba ntlisetsa tsona. Khele! Ra hla ra inyakalatsa holimo phaposing ea ka! Empa, ha ke—ha ke e bolele joalo. Le a bona?

²³ Ke lekantse ho le bontša phapang, le a bona. Empa ho sa tsottelehe seo a leng sona, ke a mo rata, ke moena oa ka. ’Me hase Mokreste hobane o bona lintho ka leseli le sele, ke bona lintho ka Leseli la Kreste; empa koana nke ke ka re hase moena oa ka, hobane re baena ba hlahetseng lelapeng le le leng.

²⁴ Joale, maobane mantsiboea, ke entse qotsa, qetellong. ’Me joale le hopole, molaetsa oa pele o tlile ho kereke ka mora eo le e tsebang, kathoko ho mono tlase Kentucky, ho tla hlah lintho tse mohlolo kopanong ena tse tla tšosa ba bangata. Le a e hopola? E leabanteng, joale. Le a bona? E ’ngoe ea tsona e senotsoe maobane bosiu. Ea batla e khaotsa motsotsoana feela, empa ke tiile le e

tšoere; hobane Moea o Halalelang o e tlisitse, e ne e tla ba: “lihele tsa Bosafeleng, ha ho ntho e joalo Bibeleng.”

²⁵ Ha ho lihele tsa Bosafeleng. Haeba u na le Bosafeleng . . . Haeba u chesitsoe liheleng ka Bosafeleng, u tlameha u be u ruile Bophelo Bosafeleng ho ba teng mono, haeba u phela. ’Me tšobotsi ea Bophelo Bosafeleng e ’ngoe feela, eona ke Molimo! Le a bona? Ka hona, hape Bibele ha e ruta lihele tsa *Bosafeleng*, e ruta “lihele tsa kamehla” lihele. E ka tsoella lilemo tse limilione tse likete tse lesome, ha ke tsebe, empa li tlameha ho khaotsa.

²⁶ Hobane ke ile ka tlameha ho E kenya mono. Ke E beha hole le likereke le lintho ho fihlela ke . . . ho ho ’na ho E bolela. ’Me li teng lintho tse ’maloa ka mona tse tla batla ’na ho E bua, ’me re li fumana bosiu bo bong le bo bong.

²⁷ Empa joale, ho tloha bosiung bona, le qale le khoese mohopolo oa lona oa moea, le a bona, le lumelle Moea o Halalelang ho E thopothetsa. ’Me ha u utloa ’me u sa lumellane le Eona, ikele feela u re, “Moena Branham oa batho, o—o ehlike ha a tsebe. Ke tla mo rapella.” U ntano e phethisa, ’me ke tla . . . Morena o tla ntsebisa ’Nete ke hona, u nkutloele boholoko feela, u se ke—u se ke oa ntahla. E ka ba ’nete, hape, empa, oh, ke inyakaletse haholo ho e nahana tjena. E lohanya lintlha ’moho. ’Me ke, oh, nka—nka tšoha ke fositse; empa mono ho ka ba le sekheo seo ke sa tsebeng letho ka sona, mohlomong lona le a tseba, le rapele Morena ho mpontša eona.

²⁸ ’Me joale, holima lintho tsohle, le rapellane le se lumelle diabolosi ho bonts’ a bokhopo bofe nqa efe. Le a bona? Le baballe meea ea lona e hloekile horeng ena, hoba re lihoreng tse khahlelang tsa nalane ea lefatše lena. Le a bona? Re bofelong, metsoalle, ntle le seriti sa pelaelo.

²⁹ Ha re theoha ka mengoaha ena ea kereke, re tla fumana kapele, mohlomong boholo ba tsona bosiung bona. Bonnyane re a khutla re ala motheo moo re tlamehang ho e koala teng, joale bosiung bona re senola lintho tsa makhonthe tsa moea. Le hopole joale, ke e buile, le tlameha ho khoesa mohopolo oa lona oa moea. Empa le shebe Mangolo, e tlameha e be *kahara* Mangolo, e tlameha ho hlaha *ka* Mangolo. Le a bona? Joale le hopole e . . . Tsebo ea Lentsoe feela, ho re, “Be, ke kene sekolo se phahameng. Ke tsoa sekolong sa Bibele. Ke tsoa k’holesheng.” Ha e bolele letho. Bafarisi bohole le Basadusi ba entse joalo, athe ba fositse ho tseba Jesu ka limaele tse milione. Le a bona?

³⁰ Mangolo, tšenolo ea Mangolo, “e patetsoe mahlo a ba bohlale le ba masene, e senoletsoe masea a tlang ho ithuta.” ’Na le lona re masea ’me re laolle lipelo tsa rona feela, re re, “Morena, U—U re bolelle, re—re mametse.” Re ntano tšoara moevelo oa moea. Joale le hopole seo, mantsoe a tla boleloa ho qala bosiung bona, le tšoare moevelo oa moea, hobane re kenella mongoaha kereke o moholo o mohlolo.

³¹ Joale, ke hopola e ne e le phetho. Joale le hopole hosane bosiu, re kena mongoaheng oa kereke e 'ngoe bosiu ka bong. 'Me ke kholoa re tla ba le nako e ngata hosane ho e mathisa letšeheare lohle, hape le hosane bosiu. Empa, le a bona, bongata bo tla be bo sebetsa 'me ke tla leka ho ama tsona lintlhakholo tsa molaetsa ona feela, ho ama lintlha tse boletsoeng mona, etsoe le ka tšoara o mong 'me la lula le tsoelapele, ho e mathisa ho fihlela ho ke ke ha boleloa moo e ka eang teng. Le a bona? Empa . . . Le ntano boela le e hlahloba lapeng, ke tla be ke le rapella, le lona le nthapelle, 'me Molimo o re hlohonolofatse 'moho joaloka bana ba Oona ba lumelang.

³² Joale pele re qala, ke a ipotsa haeba le ka thatafalloa ho ema na.

'Me na le tseba lebaka ha ke rata ho ema ha ke rapela? Jesu o itse, "Etlereha le ema, le rapela, le rapele, 'Ntata rona Ea Leholidong.' Le tšoarelane." Le a bona? Eaba Gideone o khetha sesole sa hae khetlo le leng ka ba inamang ba kobotela ba qapha metsi, kapa ka ba emang ba kha metsi. Le a bona? Ba ileng ba namalla, e sa le ba—e sa le ba namalla pela melimo ea bohata, o ba tsebile ba sa tšoanelo ho ea. Ka hona, ke bana ba emang mahlo a bona a le seli ka linako tsohle. Re sebetsa joalo, re a ema re a rapela. Joale, ke lumela ho khumama le ho rapela, hape; empa, ho ema le ho rapela, ke hopola ho bolela se seng feela ho rona, le hona.

Ha re inamiseng lihlooho tsa rona joale, pelo e 'ngoe le e 'ngoe e inamisoe le eona:

³³ Ntata rona ea Maholidong ea mosa, joale re atamela Terone ea Hau ea toka re le mahlonoko. 'Me ha tle re U kopa ho re fa toka, ka ha bohole re ka timeletsoa, re mpa re tla, re qela "Mohau, oho Morena!" Tšollela holima rona, bosiung bona, Moea oa Hau o Halalelang; e se hobane re na le tokelo, empa e le hobane re se na tokelo, re a e lemoha re a e elelloa, ha re tle ka lebitso la rona, hobane ha le a lekana. Ha re na toka, kapa—kapa le letho, ho loka ha rona ho tlokotso ka Lebitso la Morena Jesu, re Mo hlaha isela rona, Mali a selekane sa Hae, re A sikile lipelong tsa rona, re re, "Molimo, re hauhele rona baetsalibe ba rapelisisang mohau horeng ea tlokotsi." Ho re, e tle re tsatsi le leng mohla therou ea ho qetela e tla boleloa, ha re tsebe mohlang oo; mohoo o tla ralla sebakeng khetlo la ho qetela; Bibele e tla robala e koetsoe holima sefala; lihloomo li tla qhobeloa; liphala li tla letsoa; letsatsi le tla be le likela. Oho Molimo! Mpate ke hona, oho Lefika la Mengoaha, ka hora eo.

³⁴ 'Me re a bona ha ho fera ea ho phonyoha joale, ha ho letho haese ka Uena. Re bona lichaba li pshatleha. Re bona Bibele e phethisoa. Re bona Iseraele a phaphama. Re bona Molaetsa ho

Kereke. 'Me hora e se e batla e phirimile, ke mohla ho tla senoloa lintho tse kholo, ho be ho manolloe Litiiso tse Supileng.

³⁵ Molimo, Molimo, oho Molimo, re hauhele rona, re rapelisisa mohau. 'Me joaloka mohlanka oa Hau, ke qella e mong le e mong ea pel'a Sefahleho se Khethehileng mohau bosiung bona. Molimo, ho se be motho le ea mong ea bolokileng sebe moeeng oa hae, li mpe li hlatsuoe hona joale feela ka Mali a Morena Jesu, bohole re tle re phuthehele tulong e mokhethoa eo koana mose ho sebaka.

³⁶ Ha ke atamela Lengolo lena bosiung bona, Ntate, oh, ke a haelloa. Molimo, ha ho mang hara rona ea lekaneng. Re a ikamohela hoba ha re tsebe letho, Ntate, re mpa re itsepisitse ruri ka Moea o Halalelang A tle a re senolele. Re sa ntse re phutholla ka—ka tsebo ea kelello ea rona seo U re fileng sona, nalane, Moea o Halalelang a ke a nehe lipelo tsa rona moeelo oa moea. Aba sena, Ntate, hoba re U shebeletse ka Lebitso la Jesu Mora oa Hau. Amen. Le ka lula fatše.

³⁷ Khaolong ea 2 ea Buka ea Tšenolo, le kereke ea bobeli, mongoaha oa kereke ea boraro. Qala . . . [Khaitseli e mong o bua ka maleme—Mohl.] Ntšoareleng.

³⁸ Ntata rona ea Maholimong, Lebitso la Hau le khethehe. Ho tle 'Muso oa Hau, thato ea Hau e etsoe, lefatšeng joalokaha e etsoa Lehelimong. Re U kopa ho ba le rona, Ntate, le ho re hlohonolofatsa, le ho re thusa re tle re be lihahi tse masene horeng ena ea tsieleho e kholo hara batho. Ke mohla pherekano 'me lintho li a ntšeletsoa, re thuse ho finyella bokhoni ba rona bo khabane, Morena, re be bahlanka ba Hau ka Lebitso la Kreste. Amen.

³⁹ Joale, ke buile seo pele, ho le tsebisa. Na le lemohile hobane koahollo ha e a tla Lentsoeng? Khaitseli ea rona o ne a tlotsitsoe ke Moea o Halalelang, ntle le pelaelo, empa o ntšitse molaetsa ka mora hoba ho kenoe Lentsoeng, le a bona. Hoo ho batla ho fapohile tsamaiso ea ntho. Joale, hoo ho itoketse, khaitseli moratua, u ka bang mang. Moea o Halalelang o lutse holima hau, oh, ho boima ho e khina joalo, ke a tseba. Ho tšoana le . . . Kapa ke ha u bua taba e itseng 'me . . . Le a bona, empa e ne e itoketse; empa mohlomong u e utloile le pele re qala, le a bona. 'Me ke lona lebaka, le a bona, e boela e khutla ha Moea o sebetsa. Meea ea baporofeti e ikokobeletsa baporofeta, le a bona. Ke uena eo.

⁴⁰ Joale, mohlomong Moea o Halalelang o tla u tlotsa hape, feela . . . ke tšepa A tla etsa joalo, ka mora tšebeletso feela. 'Me le shebelle koahollo ha e fihla, le a bona, hoba e tlameha ho tsepama hantle ka bolaoli nakong eo, le a bona; empa joale re atamela Lentsoe, le a bona, ka mona. Ka hona, joale, ruri e ne e le taba ea Molimo eo, ruri e ne e le eona; ke a e lumela ke e utloa ka pelo ea ka eohle, hobane ke e utloile e neeletsana le

motheo, le a bona. Empa Moea o Halalelang . . . e ne eso be nako. O tšoere molaetsa o eang ho khaitseli bakeng sa kereke, empa moo A ts'oaraneng le Molaetsa oa Hae hona joale ke *mona*. Le a bona, A ke ke a Ipherekanya, O laola lintho ka taolo. Motho mang le mang o a utloisia ke tiile, le a bona, hoo ho itoketse feela.

⁴¹ Joale ho e—ho khaolo ea 2 ea Buka ea Tšenolo. 'Me ha re . . . Re qala bosiung bona ka—ka Mongoaha oa Pergame, khaolo ea 12. Joale, maobane re khaolitse temaneng ea 11:

*Ea na le tsebe, a utloe seo Moea o se boellang likereke;
Ea hlolang a ke ke a etsoa hampe ka lefu labobel.*

⁴² Joale, mongoaheng oa kereke ea pele, re fihletse Banikola ba simolla. Molimo oa na oa Itšenola e le . . . Jesu o Itšenotse e le Molimo o Matlaohle: e mong ha a eo, ha ho likarolo, ha ho likotoana tsa Molimo, E ne e le Molimo o inotsi.

⁴³ Joale, mongoaheng oa kereke ea maobane bosiu, re Mo fihletse a eme monyako 'me lintho tsena A li ngolla kereke, a ba bolella ka bofutsana ba bona. Empa O itse ho bona ba ne ba le . . . bona Banikola bana, le joalo—joalo, bao A neng a ba hloile.

⁴⁴ Maobane bosiu ba ne ba e . . . ba ne ba roetse moqhaka oa bashoelatumelo. O ba boleletse ho se tšabe, ho isa lefung, ha thoe O tla ba—O tla ba le bona. Eaba qetellong O re, "Ea hlolang! Ea hlolang a ke ke a etsoa hampe ke lefu labobel."

⁴⁵ Joale, haeba lefu le leng le le teng, 'me re a le tseba, eka khona ho be le lefu le leng nqa e 'ngoe; hoba lefu le leng re le shoa mona nameng, lefu labobel re le shoa sepereteng, soule. Ke, "Athe moea o etsang sebe ruri o tla shoa." Ho *shoa* ke feela, "ho tsoa nthong eohle ka botlalo;" le a bona, u a—u a . . . *Lefu* le bolela, "ho tlsooa, ke—ke—ke isoa hole, ho patoa." Joale ha baratuoa ba rona ba shoa, ha ba sa le teng ho ea ka tsebo ea rona. Hoo re ho bitsa lefu.

⁴⁶ Empa Mokreste ha a shoe. Ha ho Lengolo le tlalehang Mokreste a shoa, ka ha a ruile Bophelo Bosafeleng. Moetsalibe ha a shoa, ho felile ka eena, 'me ho feleng moea oa hae o tla shoa. Empa Mokreste ha a shoa, o mpa a letile le Jesu ho khutla hape. Oh, ke tšepa ke tla fumana nako ho kena ho eona qetellong ea pono ena bosiung bona, ntho eo moo re khutlang; le tla e bona, kamoo e khutlisang eona ntho eo ea lefu labobel. Khaolo eo re leng ho eona bosiung bona e khutlisa ntho eona eo, 'me mona ho tekao moelelo o khabane.

⁴⁷ Joale—joale, bosiung bona, re tla bala lengolo lena ka potlako ea ruri, ka ha ke tšoere lintha tse itseng—tse itseng tsa nalane tseo re batlang ho li finyella pele, ke tla leka ho se le liehise halelele. Joale, mono ho . . . litšebeletso ha li tsoile, nako efe haeba ke e bala ka potlako e lebelo, ha u batla moelelo oa eona; Moena Mercier mona o e tšoere eohle, ke mo neha linoutšu hantle; a ka khona ka ha a ntse a e ngola bukeng, a ka le fa sohle le

a tseba... seo le—le se batlang mabapi le eona. Ho tla be ho itoketse, Moena Mercier.

⁴⁸ Temana ea 12:

Ho lengeloi la kereke eo Pergame o re; Ea tšoereng sabole e nchocho e leolitsoeng ka nqa tse peli o bolela tsena o re;

Ke tseba mesebetsi ea hau, le moo u ahileng teng, e leng moo... Satane a nang le terone ea hae teng... u tiisitse lebitso la ka, 'me ha u a latola tumelo ea ka, leha e le mohla Antipase paki ea ka e tšepehang, a bolaoang hara lona, moo Satane a ahileng teng.

Empa ke na le litaba tse seng kae tseo ke li nyatsang ho uena, ke hobane mona u beile ba eang ka thuto ea Balaame, ea rutileng Balake ho beha khopiso pela bana ba Iseraele, ba tle ba je tse hlabetsoeng melimo ea bohata, 'me ba etse bohlola.

Hape u beile le ba eang ka thuto... (morao mane Efese ke liketso, joale e fetoha "thuto")... thuto ea Banikola, ... (Le sa hopola ke le bolella eona bosiu bo bong, kamoo e fihlileng moo? Liketso ho Efese, joale ke "thuto")... e—e thuto ea Banikola, lintho eo ke e hloileng. (Uhm!)

U bake; ha ho se joalo ke tla phakisa ke tle ho uena, ke loane le bona... (hase Kereke ea 'nete)... bona ka sabole ea molomo oa ka.

Ea na le tsebe, a utloe seo Moea o se bolellang likereke; Ea hlolang ke tla mo fa ho ja manna a patiloeng, ke be ke mo (mo) fe lejoe le lesoue, leo ho ngoliloeng ho lona lebitso le lecha, le sa tsejoeng ke motho haese ke ea le amohelang.

Joale Morena a ekeletse mahlohonolo a Hae ho Sena, le ho re thusa joale re sa leka.

⁴⁹ Joale motheo oa kereke ena. Ke mongoaha oa kereke ea boraro, e bitsoang Pergame. 'Me e—e lehla leo kereke ena e qalileng ka lona ke ho qala ka 312, A.D. 312 ho isa ho 606.

⁵⁰ Mongoaha e ne e le: thuto ea bohata, leshano la Satane, motheo e le oa 'muso oa mopapa, le lenyalo ho kereke le naha.

⁵¹ Moputso e ne e le: manna a patiloeng, lejoe le lesoue.

⁵² 'Me naleli, lengeloi la kereke ena, ka tsohle tseo Moea o Halalelang o ntumeletseng ho li etsa, ke thontse Santa Martini. E ne e le—e le tšenolo eo ke e neiloeng, hobane ha ke ho bala ka bahalaleli ba bang mehleng eo. Ke thontse Santa Martini hobane e ne e le monna oa morapeli, ho latela mohopolo oa ka e ne e le moapostola haleshome ho feta Santa Patrick.

⁵³ Joale, Santa Patrick e ne e le motsoala oa Santa Martini; khaitseli ea Santa Martini e ne e le 'mè oa Santa Patrick. 'Me Santa Martini e ne e le...ehlile, e ne e le malome oa Santa Patrick.

⁵⁴ Joale, bophelo ba hae bo qalile ka A.D. 315 ho isa ho 399. Joale lebaka la ka ho mo thonya kaholima bahalaleli ba bang ba letsatsi leo ke lena, ka lebaka la boitšoaro ba hae. 'Me tlasa pululelo ea Molimo, ha ke lumele hobane...

⁵⁵ Joale, kereke ea Katolike ha ea mo qhoaela folaga, ha ba mo hlompha, lebaka le leng hape leo ke mo thontseng ka lona. Uh-huh, uh-huh. 'Me bana bohole bao re ba bonang ba tšoere bosebeletsi ba moea, kereke eo ea ho qala e ba hanetse. E—e kereke ea Banikola e e hanetse ka lebaka la lintho tsena: e ne e le batho ba moea. 'Me joalokaha ke takile mona, Kereke e ne e sohlokanngoa 'me thuto ea Banikola e ne e le—e le bongateng; athe Kereke 'nete eona e le paloana feela, esale ho le joalo.

⁵⁶ 'Me joalokaha ke boletse ho tloha tšimolohong, ke Jesu ea itseng, "Se tšabeng, mohlatsoana, ke thato ea Ntata lona e molemo ho le nea 'Muso." Lebaka leo ke lebisang ho 'Muso e le 'Muso oa moea. 'Me rona...re na le 'Muso oa moea, hoo re ho thabetse haholo, le Khosi 'Musong ona. Hopolang, Ke Khosi ea bahalaleli (*ba halalelitsoeng*), Ke Khosi ea bona e ba etellang pele.

⁵⁷ Bophelo ba Santa Martini e ne e le... ke bo bong ba maphelo a maholo a atetsoeng ke mehlolo hara batho bafe mengoaheng ea kereke. Ho qala koana ka Santa Pauluse, e ne e le e mong oa banna ba moea ka ho fetisisa. O ne a...

⁵⁸ O mong oa mehlolo ea hae ea pele... E ne e le lesole, le ho qaleng, ke a kholoa. 'Me tsatsi le leng ha a theoha 'me ho e na le motho... E—e monna ea robetseng, a hatsetse a tlakasela, 'me batho bohole ba neng ba batla... kapa, e seng ba batla, empa ba le bokhoni ho thusa monna, ba mo feta feela joaloka e—e moprista le Balevi ha ba entse ho *Mosamaria ea Molemo*. Empa Santa Martini ha a feta, a lemoha boikarabelo ba hae joaloka molumeli oa Mokreste, kobo ea hae e le 'ngoe, a akhetse sephekha mahetleng, eaba o se khekhetha habeli ka sabole ea hae a nehela mokupi mokhekhetho o mong, a nka mokhekhetho o mong. Eaba bosiu boo bo qala bosebeletsi ba hae, hoba, Jesu Kreste o bile a ipontša eena, ka pono, a itlamile ka eona kobo a e khekhetileng habeli; ketso e phethileng Lengolo, "Seo le se entseng ho bana, le se entse ho 'Na."

⁵⁹ Le ka inkela temoso ea thuto mono. Seo le se etsang motho e mong, le se etsa ho Kreste. Hopolang feela. Joale lona... Ha re se phetheng 'moho [Moena Branham le phutheho ba bua ba le 'ntsoeleng—Mohl.]: "Seo le se etsang ba bang, le se entse ho Kreste." Ho sa tsoeletse seo a se nahantan ka uena, ke seo u se nahantan ka eena, le a bona, ke sona se tlisang lehlohonolo.

⁶⁰ Ebile mohlolo oa hae oa pele le qaleho ea bosebeletsi ba hae. Lintho li ngata mono, nke—nke ke ka ba le nako. Hobane ke le batla le khutlile hosane bosiu le bosiu bo bong le bo bong, ha ke batle ho le liehisa halelele ke hona.

⁶¹ Ho lokile, mohlolo o latelang oo ke khethileng ho bua ka ona bosiung bona.

⁶² O ne a hlile a silakanya bohetene, a eme khahlano le kereke ea Roma ka thata. A hlile a latolana le libishopo tsohle tsa kereke ea pele ea Roma, eena . . . ba ne ba sikara joko le lefatše le lintho tse joalo, eaba o a ba hanela. A hlile a eme khahlano le bona. Ebile mohlolo ha a phetse mehleng eo. Joale . . .

⁶³ Empa letsatsi le leng o ne a qhaqha mofero oa bopagane, a heletsa aletare ea bopagane, pela aletare ea bopagane ho eme sefate se khetheleng. Eaba o rema sefate sena ho se liha, a hlabe hisa banna ba bangata ba emeng mono. A re, “Haeba ke le monna oa Molimo . . . Le mpofelle tlasa moo sefate se sekametseng se tle se mphetše. Haeba ke le monna oa Molimo . . . Haeba ke se monna oa Molimo, sefate se tla mpolaea. Ha ke le monna oa Molimo, Molimo oa ka o pheulela sefate seo nqa e sele.” Qholotso ea tonana! Ba qala ba rema sefate; sefate ha se tla oa, sa sokoloha sa bolaea sehlopha sa babohi. Molimo oa se pheulela nqa qhooea leralla. Ke mohlolo! Oh, mehlolo e hlahile khafetsa kopanong ea hae.

⁶⁴ Ke hopotse ho bua ka mohlolo o mong, oa lesea le shoeleng eaba o le hamarela ka ’mele oa hae. La boela la phela, hoba a rapelle lesea lena nakoana.

⁶⁵ O mong o ikhethileng ho ’na, e ne e le oa ’musisi. ’Me a tla bolaea batho ba bang ba Molimo ba tlatsitsoeng ka Moea o Halalelang. Eena ehlile e le letsoho le letona la—la bishopo oa kereke ea pele ea Roma, mehleng eo, ka tšoanelo e le mopapa oa pele a bitsoa mopapa. Lebitso la hae e le D-a-m-a-s-u-r, a sa phetse ho bolaea Bakreste bohole bao a ka ba isang matsoho ho ba bolaea. ’Me—’me mohatsa ’musisi enoa, e le mopagane, lefifi le aparetse pelo ea hae.

⁶⁶ Hoba morapeli enoa Santa Martini a fihle ho ema lipakeng, mohatsae a mo eletsa hore o tla leka ho ema lipakeng ho sireletsa Bakreste bana ho se bolaoe. Ehlile, qetellong ha a fihla ho eena, ha se ke ha thusa letho, ka ha e ne e le letsoho le letona feela la mopapa enoa; eaba o bolaea Bakreste bao ba tletseng Moea o Halalelang le hona.

⁶⁷ Empa Santa Martini o ne a batlile ho rerisana le eena, balebeli ba mo thibela khorong. Be, Santa Martini a itihela fatše ka sefahleho a rapela hofihlela Molimo a ’montšitse ho kena. Hoba a tsohe mona, a atamela likhoro tse notletsoeng eaba li ipula botsona, a feta a kena.

⁶⁸ Joale, ena ke nalane, hase mohopolo oa motho ea ngolileng ka eena feela, le nthoana feela . . . Haeba ntho e le teng, ba ka ba

leeme, ha e ka ba kereke e itseng e buang; kapa, nka re, bonnyane, haholo kereke ea mopapa, ba ke ke ba qotsa lintho tsena. Empa, le a bona, nalane e bolela 'nete. Le a bona?

⁶⁹ Eaba monna enoa o a nyoloha, Santa Martini, a feta pela molebeli e mong le e mong hantle, le sohle se sele, a kena hantle a ema ka pel'a 'musisi. 'Me 'musisi a sa batle ho hlompha mohlanka oa Molimo. Le a tseba, ha se—ha se—ha se boitšoaro bo bottle boo. Eaba o sokolla hlooho ea hae a sa mo hlomphe. Na le tseba seo Molimo a se entseng? A leka ho qoqa le eena a mpa a itulela a sokolotse hlooho ea hae, feela Molimo a tla etsa hore mohetene enoa a hlomphe mohlanka oa Hae. Eaba o hotetsa ntho eo ka mollo, oa mo tlabola oa mo emisa setulong sa hae, oa mo phahamisa, oa mo emisa.

⁷⁰ Joale eo—eo ke nalane ea Bibele, *Khansele ea Nicene*. A tlameha ho hlompha mohlanka oa Molimo; O ile a mo emisa. Ho bile ha tlaboba setulo seo a se lutseng; mollo oa chalametsa 'meleng oa hae oa tlabola malulo a setulo, a tlameha ho qhoma mono. 'Molimo o bokhoni ho phethisa lintho, le a tseba. Uh-hum. "Molimo o ka tsosetsa Abrahama bana le ka majoe ana." 'Me le hopole, oona Molimo oo o ahile hara rona bosuing bona. E sa le Molimo oo. Ho lokile.

⁷¹ 'Me e 'ngoe eo ke e ratang, ke ntano khaotsa. Ke tšoere tse ling mona, empa ke fumana... Joale ena ke hlile ke e ratile, mohlang oo e le ha a emetse batho ba hae, a le thapelong phaposing ea hae ea ho bala.

⁷² 'Me e—e ne e le monna e moholo, 'me o ile a kakatlela Kereke ena e tletseng Moea o Halalelang, le ho re tabola bohle... Oh, e ne e le... a etsa hore bohle ba tlale Moea, phutheho eohle ea hae. 'Me hohle naheng eohle, Bakreste ba hlakisa mehlolo le meeka le lipontšo.

⁷³ Le a bona, Molimo o bua le moromuo oa Oona, moromuo o bua le phutheho. 'Me ke sona se etsahalang, le a bona, O—O baballa phutheho le eena ba tšoana ho Molimo; le a bona, Moea o Halalelang o phalla hara sehlopha sa bona.

⁷⁴ Khafetsa e ne re ha ba bolaeloa tumelo, ba ne ba emisa moreri hantle lipakeng tsa bona (*ioalo*) ba ba bolaea ka linako tsohle. Limpe tseo ba li entseng bathong bao! Ba ba chesa. Ba nka banna bao ba ba khokhothela ka... ho ba pitla ka likoqo, ba ba sasaletsa lintja tse hlaha, kapa... ba li nehela ho ba ja ka sekotlong, li ba honya mala le pele motho a eshoa. Ho tšoara basali, ba ba poma letsoele, ba ba emise mono lipelo tsa bona li ntse li futha, li futha hofihlela ba nyebella, ba eshoa, ka tsela eo. Ba honyolle bana ho bommè ba baimana ba ba fepe likolobe le lintho, ba ntano emisa bommè ho e boha. Le lintho tsa mefuta eohle!

⁷⁵ Joale, ha u hopole batho ba ipolelang Bokreste ba ka etsa joalo. Empa mamelang, Bibele e itse, Jesu o itse, "Ba tla le

bolaea, ba hopola hobane ba sebeletsa Molimo.” Le hopole, eena Jesu eo o buile, ka oona Moea oo, o e lekantse ho hlaha hape nakong ea qetelo. E tlamehile ho fihla. Efela ha tse ling tsena li otlide botsekeng bo phethehileng ka Lengolo, le shebe le bone haeba e sa ngomelane ka nepahalo le Lengolo le nalane. Molimo o e tlalehile e tla etsahala, mona nalane e boela e hhalosa e hlile e etsahetse; Molimo o itse e tla etsahala mona, ‘me moo e etsahetseng ke mona. Le a bona, hantle ka tšoanelo feela. Ka hona re tla etsang ha re theohela ho Mongoaha oa Kereke ea Laodisea (le a bona, moo re leng teng joale) le likotsi le lintho tse boletsoeng li tla kena?

⁷⁶ Ka hona, joale, e ntano ba ona, o ne a rapela nakong eo phutheho e ntse e mo emetse. Monyako ha fihla mokopi a kokota monyako oa hae, a bula monyako (a le maphathe), a re ho eena o batla e—e seaparo. A hlobotse a se na letho, ho bata, a re . . . A mo potetsa ho bona motikone oa sehlooho. Eaba motikone oa sehlooho o tenoa ke eena a mo leleka. Hoba a etse, a matha a potela, a boela a khutla a bolella Santa Martini ho re e—ho re e—e motikone o mo leleketsa kantle.

⁷⁷ ‘Me ka hona, nakong eona eo, motikone enoa oa sehlooho a khutla a kena a mo laela ka bohale, ho re, “Phutheho ea hau e u emetse! U ba emisitse!” Empa o ne a le thapelong. Molemo ke ho lula thapelong hofihlela a utloa Molimo o mo etella ho tsoa.

⁷⁸ ‘Me mokopi enoa a khutlela monyako. Ebile Santa Martini o hlobola seaparo sa hae se setle a se neha mokopi, a ba a laela e—e—e motikone oa sehlooho ho ea mo tlela se seng. A tlameha ho ea lata seaparo, le hona, a se apesa Santa Martini. Eena a apara seaparo sa boleng bo katlasana pontšeng ea batho sebakeng sa seaparo sa hae se ntle.

⁷⁹ Ho a bontša feela: nehelana ka bokhabane ba hau, nehela bophelo ba hau, nehela nako ea hau, nehela sohle ho Kreste. ‘Me ona Moea o phetseng ho Kreste, o phela ka ho uena, ‘me —‘me khahlamelo ea hau tikolohong ea hau le holima batho bao u amanang le bona, e tla tšoana le ea Kreste hakaale hofihlela e sebetsa seo Kreste a se entseng.

⁸⁰ Qetellong batho ba bile ba robala seriting ‘me ba fola. Ke—ke hantle, matla a makaale le lerato le ba teetseng hare. ‘Me ba itse “Ha Santa Martini a rera, hoba a tsoe a apere seaparo sa boleng bo tlasana, ho thoe phutheho e bone Leseli le hlenneng le mo teetse hare.” Uh-huh. Le a bona? Le a bona, ka ha a entse ho lokileng.

⁸¹ Etsa ho lokileng kamehla, ke tšoanelo ea hau ho Molimo; nahana hantle, ke tšoanelo ea hau ho uena; ‘me u tlameha ho tsoa hantle. Ke hantle, u tlamehile feela.

⁸² Joale, re batla ho qala joale ho leka ho nka sena ka likanono tsa litlhaloso, bosuing bona, hobane mona Le sebetsa ka matla haholo.

Joale, *ngolla lengeloi la kereke ea Pergame o re; Ke tsena tseo tse boleloang ke ea nang tšoereng e nchocho peli... sabole... sabole e nchocho e leolitsoeng ka nqa tse peli;*

⁸³ Joale ke batla le lemohe hoba O boela a Itsebisa mona bosiung bona ka Bomolimo. Kerekeng ka 'ngoe e ne e le maemo a mang a Hae a tlotsitsoeng: Ea tšoereng naleli tse leshome le metso e 'meli... kapa "linaleli tse supileng letsohong la Hae, Ea tšoereng sabole e leolitsoeng ka nqa tse peli," le a bona, ntho e itseng, "Eo maoto a Hae a leng joaloka borase, mahlo a mathang ka... malakabe a mollo." O boela a Itsebisa ka Bomolimo ba Hae.

⁸⁴ Joale u re, "Ebe Bomolimo bo larile kae lebakeng lena, 'Sabole e nchocho e leolitsoeng ka nqa tse peli e tsoa molomong oa Hae'?"

⁸⁵ Be, *sabole* ke "Lentsoe." Baheberu 4, re e nkile qalong mohlang re tšoaraneng le Bomolimo boo ba Hae. Sabole, re fumane ho Baheberu 4:12, e ne e le, "Lentsoe la Molimo le bohale le fetisa sabole e leolitsoeng la nqa tse peli." Na ho joalo? Leo e ne e le Lentsoe la Molimo. Na ke seo? Joale shebang, o na le-... ts'oarang likoahollo tsena. Joale sala mohlala oa Lentsoe leo, Santa Johanne 1, "Tšimolohong" (motšeо koana) "e ne e le Lentsoe le hlolileng maholimo le lefatše." Na e joalo? "Me Lentsoe le ne le le ho Molimo, 'me Lentsoe e ne e le Bomolimo. 'Me Bomolimo ba etsoa nama ba aha hara rona." Na ho joalo? "Lentsoe le ne le etsoe nama la aha hara rona."

⁸⁶ 'Me ke enoa O eme mona, Eo oa tšimolohong, "Bolella lengeloi la kereke ea—ea Perga—...Pergame. Le bolelle u re, 'Ke 'na Lentsoe la Molimo.'" Oh, re Mo bona koana ho Tšenolo, o tla seaparo sa Hae innoe maling, a roetse moqhaka hloohong ea Hae, a kaletse pere e tšoeu, seropeng sa Hae ho ngoliloe ho thoe, "Lentsoe la Molimo." Oh, ke rata seo. Ke Lentsoe, Lentsoe la Molimo. Ka hona re bona Bomolimo bona tšimolohong, ho Itsebisa, Ke Lentsoe.

⁸⁷ Joale, haeba E le Lentsoe le phelang, etlaba Sena se ngotsoeng Bibeleng ke karolo ea Hae; haeba le ka amohela Sena, ka ho Eena (e leng Lentsoe), Lentsoe lena le kena ho uena ka tumelo, e a Le phelisa, hobane e... Oh! Tšoarang taba Eo! Lentsoe le kena ho uena, ha Moea o Halalelang o le teng ka mono, le phela hang feela ha le kena, 'me pallo ka 'ngoe ke 'nete. Ha ho letho... "E ka re, ha u ka re ho thaba ena 'Koqoha,' u sa belaele pelong ea hau." Hobane (eng?) u Bomolimo bo buang. Na le lumela seo? Bibebe e itsalo. 'Me sohle seo u se bolelang se tla etsahala ha u sa belaele, ha u ka fothola e—e lefatše lohle le melileng ka ho uena, le ho lumella Moea o Halalelang ho u fetola mora le morali oa Molimo ka bottlalo: ho se lefatše, ho se tsuo, ho se pelaelo. Ha ho le joalo, ke eng? Ha e sa hhole e le uena, ke

Molimo ka ho uena. Ebe u nka Lentsoe la Hae, Ke tsepiso, le ho re, “Ntate, ke tsepiso ea Hau.” “Satane, . . .” Ntho e tlameha ho sutha. Le a bona? Le a bona?

⁸⁸ Joale, u ke ke oa e phethisa pele Molimo a u senoletse eona le seo taba eo e tlamehang ho ba eona. Le a bona? Ha u tseba seo taba e tla ba sona, u ka bua, joaloka Jesu. E ne e le Lentsoe. Na ho joalo? ’Me Jesu le joale, monna, tabernakele, e itse, “Ha Ke etse letho pele Ntate a Mpontša.”

⁸⁹ Ka hona hase Lentsoe hofihlela e bonahalitsoe ho uena. Le a e tšoara? Ha ho makatse batho ba re “matsatsi a mehlolo a fetile,” Lentsoe ha le a bonahatsoa ho bona. Hase mohlolo ba sitoa ho lumela Moea o Halalelang, Lentsoe ha le a bonahatsoa ho bona. Ha makatse ba sa bone tšenolo ea kolobetso ka Lebitso la Jesu Kreste, Lentsoe ha le eso bonahatsoe ho bona le joale; koana ha ho Lengolo le ba tšehtsang, ha ho moo motho mang a kolobelitsoeng ka tsela e sele.

⁹⁰ Ka Moea o Halalelang, Bibele e boletse “Ha ho ea ka bitsang Jesu Kreste, haese ka Moea o Halalelang,” ‘me batho ba re ha ba lumele Moea o Halalelang o lokile. Le a bona? Le a bona, ha e a etsetsoa bona. Jesu o boletse, “Ha ho ea ka tlang ho ’Na ha a sa huloe ke Ntate pele. ’Me bohole bao Ntate a” (lekhathé le fetile) “Neileng bona ba tla tla ho ’Na.” Oh, na ha e nté! “Bohole bao Ntate a ’Neileng bona, ba tla tla ho ’Na. Ha ho le a mong ho bona ea tlang ho timela haese mora tahleho, ’me Ke tla . . . (o tsoaletsoe morero oo), ’me Ke tla boela ke mo tsosa ka letsatsi la bofelo.”

⁹¹ Oh, banna! Ke hona moo mabitso a rona a ngotsoeng Bukeng ea Bophelo ea Konyana: ho tloha motheong oa lefatše. Na ha e nté! Re ka belaela joang?

⁹² Oho Molimo, tlosa lipelaelo ho rona, bolotsa lipelo tsa rona lipelaelo li se hlole li boba hara rona. Ke thapelo ea ka eo. Phikolosa pelaelo ka ’ngoe, Morena. Ke phele ka mosa, ka boikokobetso, ke tsamaee joaloka—joaloka konyana ea Molimo lefatšeng. Nke ke—nke ke tsamaee joalokaha le eena A tsamaile. Ke bue joalokaha A bua. Merero ea ka e tšoane le merero ea Hae. Nke—nke ke . . . Ba bang ba fumane Jesu ka ho ’na. Nke ke itele ‘me ke e fumane, Morena, ka ho Uena. Ke eona, ke lahlebonna ‘me ke e fumane ka ho Uena; ho khurumetsoa ka ho Kreste hakaale hofihlela pelaelo e se na sebaka, haese seo A se bolelang feela.

⁹³ Joale, u se ke oa tsa oa re, “Khanya ho Molimo! Alleluia! Ho bokoe Molimo! Le bona seo nka se etsang? Khanya ho Molimo!” Ha u eso E fumane le joale. Hase kamoo A sebelitseng kateng, che, ho pepa peta ea Hae le ho re, “Le bona seo nka se etsang? E, monghali. Ke ’na sek- . . .” Aa. Ha A ka ithorisa ka letho, O e neile Molimo a tsamaea ka boikokobetso le ka mosa, moea o Mo teetse hare hofihlela batho ba batlile ho ba haufi le Eena. Ha e se lira tsa Hae feela . . . ’Me O ba ratile hakaale hofihlela A ba rapeletse

khafetsa, ka linako tsohle. 'Me o le behetse mohlala, mohlala oa ka, ho etsa ho ho ba bang joalokaha A entse ho rona.

⁹⁴ Joale, mona re batla ho lemoha hape, temaneng ea 2, e tla ba ea 13:

*Ke tseba mesebetsi ea hau, le—le moo u ahileng teng,
e leng moo . . . Satane a nang le terone ea hae teng . . . u
tiisitsi lebitso la ka, 'me ha u latola tumelo ea ka, . . .*

⁹⁵ Le a bona, ba lula moo Satane a ahileng, ba ntse ba tiisitsi Lebitso la Jesu. Le a bona, " "Me ha u a ka oa oa latola tumelo ea Ka." O ba neile tumelo ea mofuta ofe? Tumelo ea Pentekosta, qalong. Mono ba ne ba na le tumelo ea Bonikola, mokhatlo oa kereke, le joalo, oo ba neng ba o thea, kereke e theoang tlasa mokhatlo; empa O itse, "Le sirohile ntho eo, le e hloile, le 'Na ke e hloile. Ha le a ka la latola Lebitso la Ka; ha le a ka la sala boseberoana ba bosaona ba bona le lintho morao, la na la tiisettsa Lebitso la Ka hantle. La 'na la tiisettsa tumelo ea Ka joalokaha e entsoe tšimolohong." Oh, ke rata seo!

. . . 'me ha u a ka oa latola tumelo ea ka, joaloka ho
mohla . . . (ke a kholoa le qapolisa A-n-t-i-p-s-) . . . paki
ea ka e tšepehang, a bolaoang hara lona, moo Satane a
ahileng teng.

⁹⁶ Ke tla khefutsa mona motsotsa feela. "setulo sa Satane." Re batla ho hlakisa holima lintho tsena, ke batla hore le E tšoare. Le ikholise, joale. "Satane, setulo." Joale, Molimo o hhalositse ho Genese moo setulo sa Satane se neng se le teng, 'me e ne e le Babilona. Haesale e le setulo sa Satane, 'me ho Tšenolo ho ne ho itšoanelia. Empa, ha u ka lemoha, Babilona e iphetotse ho tloha ho *bopagane* ho ea ho "mopapa."

⁹⁷ Joale lilemong tse qalang, kapa pejana sena se etsahala (dilemo tse 'maloa), setulo sa Satane sa aha ntho e kholo . . . Ke a kholoa le ka mo bitsa a prie- . . . khosi- moprista oa Bakalde. Bolaoli ba Babilona ba fetola setulo sa bona mohla Bapersia ba mo phalletseng, 'me a tloha Babilona. Lebitso la hae e ne e le A-t-t-a-l-u-s, Attalus, khosi-moprista e moholo oa Babilona. Mohla Bapersia ba kenang ba hapa Babilona, ba leleleka Bakalde; Attaluse, khosi-moprista, a baleha eaba o lula setulong sa hae Pergame. "Setulo sa Satane e leng moo u ahileng teng." Le a e tšoara?

⁹⁸ Joale, ke ka baka leo ke khutlang ke thonaka nalane ena ho tsoa nalaneng ea kereke, ho fumana moo . . . se etsahetseng mohla A itseng, "U ahile moo setulo sa Satane se leng teng."

⁹⁹ Ka nahana, "Be, ebe e ho kae, ntho ea mofuta, 'Setulo sa Satane'?" Eaba ke fumana khosi e kholo ena, hoba a balehele Bapersia bana ba hapakang ba hlola (ho latela pono ea Daniele), o tlie motseng ona oa Pergame, mane Roma, teng a hloma lintlukholo tsa hae. Satane a fetola lintlukholo tsa hae ho tsoa Babilona ho ea Pergame, moo (tsamaong ea nako) a neng a tla

thea Babilona e mocha. Oh, banna! Joale le fumana motheo oa moo re leng teng. Ho lokile.

¹⁰⁰ Joale, teng a bolaela moena ea ratehang enoa tumelo, a bolaeloa tumelo teng, Antipase.

¹⁰¹ A fetola maqiti a hae. Pele e le mohlorisi oa Bakreste. Oh, a hloile Bokreste hakakang! Le eena e le khosi-moprista, e le mohetene ka tlhaho le ka tloaelo. Eaba o fetola boitšaro ba hae a iteanya le Konstantine.

¹⁰² Konstantine esale a nkuoa (le kajeno ke mopapa) e le mohlophisi oa Masole a Columbuse, joale, eena ea ralileng kano e tšollang mali. Empa Konstantine (ke bua ka hlompho le ka tšabo), kamoo ke e balileng nalaneng, ha a eso sokolohe.

¹⁰³ Joale, o lorile toro bosiu bo bong, hore haeba... o ne a bone sefapano, le ho re ka sena o tla hlola ntoa; 'me e... kahobane a ne a tsepisitse ho imolla Bakreste, hore e tla ba Mokreste, ha ba ka mo rapella ho hlola ntoa eo. 'Me ka ema borogong mono, moo a neng a... lephakong le leng la borogo, moo a neng a robetse, a lora toro ena; eaba o a phaphama, a taka sefapano se sesoeu lithebeng tsa hae le bahlabani bohole ba hae. Ke hona moo ho bopiloeng Masole a Columbuse e leng tlasa taolo ea Roma e Katolike. Empa ha a eso etse letho la borapeli le ka mohla; ntho e le 'ngoe a e entseng e ngotsoeng nalaneng, ha ke sheba le ka mohla, e le, o hlomme sefapano holima Kereke ea St. Sophia. (Huh!) Empa e ne e le ralipolotiki, 'me mehleng ea bobusisi ba hae Roma nakong eo, eena le moprista enoa oa bopagane, 'moho, ba ngomelana 'me ba kenya kereke e fofo e bitsitsoeng Banikola nakong eo. Bokreste, bo neng bo tšekalletse nqa boprista, 'me ba bo batlide kerekeng ea bona, re ila ra nkana le eona litekolong tse tlang tsa kereke ea Efese, le joalo, le—le Smirna; Banikola bao.

¹⁰⁴ Joale Banikola ba ne ba fetohile ho... e sang "liketso" joalokaha ho etsahetse tšimolohong morao *mona*, empa *mona* ke "thuto." *Mona* e ne e le "liketso," ba ntse ba leka ho li sunya kahare; empa ka mona mongoaheng oa kereke ea boraro tsa fetoha "thuto," baprista ba baholo, mathaka a maholo. Ba eso bitsoe bomopapa, joale; ba mpa ba bitsoa, ho kang, liarekabishopo, mathaka a maholo, le a tseba, ba tsebahalang. 'Me thuto ea bona, eona, e ne e le fofo.

¹⁰⁵ Ba ne ba furalla Kereke e tletseng-Moea, e tsamaisoang ke Moea o Halalelang. Ba ba tlohela ho ikela ka palo e nyenyane ba ba bitsa "bahanyetsi," hobane ba sa lumellana le bona ho bopa mekhahali ena ea malumeli. Empa keha Kereke e ne e batlide ho itulela e lokolohile tlasa bolaoli boo, tlasa matla a Moea o Halalelang kamoo Kreste a ba tsepisitseng; O tla ba le bona, 'me eo e ne e le Khosi ea bona. Oh! Khosi ea bona!

¹⁰⁶ Kereke ea 'nete ha eso fetole boitšaro ba eona, ha ea tlameha ho busoa ke lekhotla le itseng la—la... Ha ke tsebe seo le ba bitsang sona kantle mane, dik'hadinale, le dibishopo, le

bomopapa, le bao ba sa fanyeng. Re lumela Ea sa tlaileng a le mong, Ke Khosi ea rona, Ke Jesu Kreste ea nang le rona joale ka sebopoho sa Moea o Halalelang; Molimo ka ho rona, ea phelang hara rona, ea re tsamisang a re isa metsing a mangata a Bophelo, ho Itsebisa; ho bontšahatsa, joalokaha A entse hara bahalaleli ba mesong le bashoelatumelo, hore E ne e le Morena Molimo oa popo, ka ho folisa bakuli, ho tsosa bafu, ho bontša lipono, ho leleka batemona.

¹⁰⁷ Ha ho mohla nka khoahlapsang ntho le e 'ngoe, hara babishopo bohole ba kereke ea Banikola ba theileng bolaoli ba Roma, mopapa; ha re fumane lekhetlo hang rekotong ea nalane moo mang oa babishopo a tsositseng bafu, kapa letho le joalo, hobane Kreste (tsoho) a ne a sa aha lipelong tsa bona. Ba ne ba holehane ba khelohetse mokheng oa bolumeli, ba rekile ka lits'oanelo tsa boholo ba bona. Empa Kereke ea Molimo o phelang e ne e ruile matla a Kreste, kereke e 'ngoe eona e ts'ore likhalala; empa Kereke ea 'nete ea tiisetsa Moea. Na le a utloisia? Ho lokile.

¹⁰⁸ Joale sena . . . Ka hona Konstantine, ho matahanya emphaya ea hae 'moho, ke sena se a se entseng. A nka Banikola bao, a ea ho bona (e le sebopoho sa Bokreste). Na le e utloisia ka ho hlaka? E ne e le Bakreste, bao ho thoeng ke bona; ba ipolelisang Bakreste, ba se na Moea o Halalelang. Oh, ekare e ka thophothela e sa le phonyohe. Le a bona? E ne e le Bakreste, Bakreste ba malumeli, ba se nang Moea o Halalelang. Bakreste ka lebitso, Bakreste ka ho phutheha ha bona, ba jele selallo, ba bolokile litaelo; empa, ba hanela boetapele ba Moea o Halalelang. Ba sa tšoara lipontšo le meeka hara bona, lintho tseo ba li tlalehile li hlahile morao koana; ba ipolela ba tlameha ho hlaphisa kereke e renang. Re tla kena ho eona motsotsong, e be ke puso ea mofuta ofe. Le a bona?

¹⁰⁹ Joale, ebile Kereke ea Moea o Halalelang e tlameha ho Ikhethela hole le lintho tse joalo. Empa, Pergame, ntho eohle e ngoletsoe *lengeloi* la kereke ea Pergame. Le a bona? Hoba E ne e le boikarabelo ba hae joale ho etsa sena.

¹¹⁰ Empa Kontantine a sa thahaselle Bokreste, o ne a batlile ho kanya balimo ba hae ba bopagane, kereke ea hae ea bopagane. 'Me Laodisea e ne e meletse kahare e . . . kapa Bonikola bo ne bo meletse bo tsetetsoe ka ho Roma 'me bo ipontšitse bo le boholo, 'me batho ba bangata e le balumeli ba Bakreste (ba bitsoang joalo), ba fofo. Athe Kereke ea 'nete e ne e le paloana; ho bile joalo kamehla 'me esale ho le joalo kamehla! Ke tla ema motsotso feela, e ke e thophothela ka botebo ruri. Le a bona?

¹¹¹ Hopolang, Kereke ea 'nete esale e le sehlotšoana se qheleloang kantle ho likereke tse ling. Kereke ea 'nete ha eso hlaphisoe le ka mohla, hobane hase sepheli, ke 'Mele oa sephiri oa Jesu Kreste o phelang lefatšeng, Moea o Halalelang o haolang hara litho tsena. U ke ke oa hlaphisa Kreste, u ke ke oa khona.

Ke batla le e lebalisetse Mongoaha oo oa Laodisea, joale. 'Me le hopole le e boloke, hoba Lentsoe lefe leo ke le buang le teiping ena. 'Me joale le hopole, le e hopole kelellong: Kereke ea 'nete ea Molimo ha eso hlaphisoe.

¹¹² Kereke ea Katolike ke mokhatlo oa pele o tsebiloeng lefatšeng le ka mohla, ha ho eso hlahe mokhatlo pele le ka mohla, 'me ke—ke eona ke "mè kereke" joalokaha Makatolike a e bolela. Ke "mè kereke." Mè oa likereke tsa mokhatlo. Bibele e mo tlalehile joalo, le ke ke la latola Seo. Ha ba re "Eo ke 'mè kereke," ke 'mè kereke. E tšoantšitsoe ho Tšenolo 17, re tla kena ho eona ka kotloloho. Ho lokile.

¹¹³ Joale, ka hona Konstantine, ka sena mohopolong oa hae ho matlafatsa emphaya ea hae (joalokaha Roma e entse kamehla, ho tšoara linotlolo tsa lefatše), a tlameha ho kenya mehopolo ea hae ea bopagane le ho nka mehopolo ea Mokreste hape, 'me a e lohanye hammoho, ho e matahanya 'moho ho ikahela emphaya e sa tl'o beoa katlasana ho efe. Le a bona? Hobane o ne a... Hoo ho ne ho tla 'meha 'musi e moholo ka ho fetisia lefatšeng, Konstantine.

¹¹⁴ 'Me ha re bua ka tšokoloho: o ne a—e ne e le ralipolitiki, feela e se mohalaleli oa Molimo, kamoo ba bang ba lekang ho mo tak. E ne e se eena! Ho 'na ha e-so etse letho le utloahetseng joaloka Bokreste. Ka nqa likereke tsa Bonikola o hlomme sefapano; ntho efe eo a kileng a e etsa e ts'oanang le Bokreste, ha ke eso e bone; ha e se ha a... eaba bosiu boo o li taka lithebeng tsa hae joaloka mono hobane a lorile toro, Bakreste ba ntse ba mo rapella ho hlola ntoa.

¹¹⁵ Joale, ka hona e ne e tla matlafatsa emphaya ea hae. 'Me ho etsa sena, a sotetsa mekete ea bopagane, a e fetisetsa kerekeng ea Bonikola ea Bokreste. Ke tla re ho ne ho boptjoa kereke e fofo ea mokha oa bolumeli. A hoholela mekete ea bopagane kahara kereke ena ea Bonikola, eo ebile tsoalo ea Bokatolike.

¹¹⁶ Joale, moena, ke qotsa nalane. Metsoalle ea ka ea Katolike e likete, ke metsoalle hakaalo ka metsoalle ea Maprotestanta. Empa Maprotestanta a ke ke a hlaba littlatse, emang hofihlela bosiu bona bo sele, le a bona. Le a bona? Le tla ba bona ba entse hona hoo. Pitsa e ke ke ea bolela hore ketlele e tletse "mosili." Le a bona, hobane ke—ke ntho e tšoanang feela, moea o tšoanang o kene hara bona hantle. Le tla bona hobaneng ke khalema ntho eo kamehla. Hobane e fosahetse! Ona Moea o ahileng ka ho 'na, le ha nka leka, ntho ha e phetse ho futha, ha ke khone ho e khutsetsa feela, haesale ho le joalo. Ba bitsa...

¹¹⁷ Banna ba baholo, baetapele ba baholo ba borapeli ba itse ho 'na, "U tla senya bosebeletsi ba hau. Moena Branham, u ntse u etsa lintho" ho re, "taba eo—taba eo ha e batle uena. Molimo o u bilelitse ho rapella bakuli."

¹¹⁸ Molimo o mpilelitse ho fetisang ho rapella bakuli. Bakuli ke seo ke ngokang maikutlo a batho ka sona, ke phetho; bakuli, ho rapella bakuli ke nthoana feela. Le a bona? Seo re buang ka sona ke *Molaetsa*. Lintho tseo li a khutla; ea kulang, motho, motho ea kulang a ka fola a boela a shoa. Empa motho ea tsoetsoeng ke Moea oa Molimo o ruile Bophelo Bosafeleng. Ka hona Molimo ha u lelere hohle feela u folisa bakuli joalo. Tseo ke lineo tse kahara kereke hantle molemong oa 'mele oa selehae; holima e mong, e ntano ba holima e mong, hape e ntano ba e mong, e ntano ba e mong. Le a bona? Tseo, lineo, li haola hara kereke. Empa E fetisa moo, 'me ke tšepa le tla E tšoara. Ho lokile.

¹¹⁹ Tsoalo ea Bokatolike, ho phethisa sena, ho tšoasa e—e mahlo a Bakreste hape le mahlo a bapagane, ho ba matahanya 'moho ho bopa kereke e le 'ngoe.

¹²⁰ Oh, e ka re nka be ke e tšoere joale, sekhechana sa pampiri seo motho a se behileng mona bosiu bo bong. Ke ne ke batlide ho tla le sona, 'me ke se lebetse; lintho li ngata tse robetseng phaposing mono. Hona joale hantle ba etsa ntho eo, le e qalile mohla le khethang monna oa ho qetela eo le mo khethileng. Hona joale ba sebetsana le ho fumana Bibebe e ke keng ea khopisa Katolike, kapa Mojuda, kapa Protestanta. Ba tla iketsetsa Bibebe e tlang ho nyallana le ntho eohle. Na ha le bone masene a Konstantine e mong? Nalane e boela e iphetha. Joale, le a bona, 'me ke tsoere . . . Le nkutloile ke e bala bosiu bo bong, ha ke re? 'Me ke—ke e behile lapeng, esale ba sebetsana le eona nako e telele.

¹²¹ Joale ba re, "Ka '62 ba tla . . ." Le lemohe hobane Mopapa John XXII o tlide i . . . o kopile baralinyana ba likereke ho khutlela ho 'mè lapeng. Le se ke la tšoenyeha, e tla khona. Ba tla etsa! E tla phethisa, ba se ba khutlide. Ha ba tlameha ho khutla, ba se ba le mono hona joale.

¹²² Ho joalokaha ke ne ke bua, "Naha ena e itse, 'Be, haeba ho khethoa Mongh. Kennedy, ho tla laola Makatolike.'" A tla laola? Ba e phethile khale koana, athe ha le a e tseba. Mesuoe ea bona e lefshoa ke mang? Ba khona joang ho fetisetsa lintho tsena likolong tsa bona, 'me ba ruta Bokatolike hantle ka sekolong? 'Me lona balefi ba lekhetho le a e lefella. Oh, hantle tlasa nko ea lona, le a bona, joalo. Oh, banna, kamoo a sebelitseng! 'Me Bibebe e 'moletse a tla e hapa ka mano, o e entse; le a bona, ke hantle; le a bona, ho lefella letho lekhetho. Ka hona, oh, mona ho ka boleloa tse ngata. Ke tla tlameha ho khaola lintlha, ke ntoo khutla ho e thonaka hape.

¹²³ Ho khontša ntho ena ho sebetsa, Konstantine a hlophisa boithabiso bo bongata ba lefatše ho ngokela maikutlo a bapagane le Bakreste kahara kereke. Na le khoesitse mohopoloo oa moea? Na le ntse le nahana? Ana hase *Molaetsa* oa Hora oo? Kereke e tšoara lipapali tsa bunco, meketjana, e aba makoloi,

e le ho ba tsoakanya 'moho feela. Ho cheseletsa matla ao hape hofihlela moo ba ka e otlang teng. Hantle mona feela.

¹²⁴ Joale, eo ke nalane, ha ho motho ea koetlileng—ea koetlileng letho, ba mpa ba qotsa se etsahetseng. Empa o e phethile, ho cheseletsa kereke 'moho ka ho hlahlela boithabiso ba lefatše, ho phutha kereke ea Banikola 'moho. Joale hopolang, ha a khona ho ama Kereke eo e tsoetsoeng-labobeli. Che, monghali, ha ho le a mong oa bona. Empa kereke e fofo ea Bonikola ea e oela sehlooho.

¹²⁵ 'Me re fumanang likerekeng tsa rona tsa Protestantanta? Lilallo tsa sopho, boithabiso, thellisane, (Oh, banna!) ho rekisoa masela, le ntho eohle, le a bona. Joale, le a tseba ke 'nete. Be, joale, haeba leo—haeba leo e se Lentsoe la Molimo, metsoalle, ke 'Nete. 'Me likerekene tsohle tsa Protestantanta li molato! Le a bona?

¹²⁶ Joale, ha eso be leano la Molimo ho—ho tšoara lilallo le litantše mekatong e katlase, le maitšaro ana ohle, ho lefa molisa le lintho. Holane batho ba rutiloe feela ho lefa karolo ea bona ea leshome, e ka ba phetho se leng teng. Leo ke leano la Molimo. Empa Molimo o na le leano, empa motho o batla ho rala leano la hae, ho futsoela leano la Molimo. Ho lokile.

¹²⁷ Joale, ka ho etsa sena, ba matahanya ba bopa ntho ea ho qala... ba bopa kereke ea ho qala ea Katolike, hamorao. Eaba K'hanseleeng ea Nicene ea pele e kholo... Eitseha ke e bala, ka itihela mangoleng a ka feela. K'hansele ea Nicene e kholo e ne e hlophisoe ka A.D. 325, bao bohole ba phuthoa 'moho, dibishopo le bontate ba tumelo ea Bokreste ba phuthoa 'moho mane Nicaea. Lebaka leo e bitsoang K'hansele ea Nicaea, ka A.D. 325. 'Me manqosa a batlang a le sekete le makholo a mahlano a kenela e—e—e seboka, kapa k'hansele, manqosa a batlang a le sekete le makholo a mahlano, athe phutheho e fetisitse dibishopo ka palohare ea hlano khahlano le 'ngoe (likhethong); empa koana, ka Banikola (ba fofo ba hoammeng) le ka leano la Konstantine la lipolotiki, ba hlola Kereke ea 'nete ka livoutu 'me ba hapa tlholo, ba kenya kahare dibishopo le bolaoli ba banna ba halalelang; ba tlosa e—e Moea o Halalelang kopanong, ba e beha holima dibishopo, dik'hadinale, le ba joalo.

¹²⁸ Sona selekane se manyoka se lohiloeng ke mokha oa Demokratiki nthong ena ea ho qetela! Joale, ke hantle. Joale, ha re... Nka... 'Me Marephaboliki a nyehlile tlase hakaalo. Empa ke bua ka ntho e le 'ngoe eo ba e pakileng (Edgar Hoover) koana California, le libakeng tseling tse ngata: ba ne ba chehile mechini eo enereha u voutela Mongh. Nixon, u tlamehe ho voutela le—le Kennedy ka eona nako eo. O ne a se na le monyetla. Be, joale haele moo ba e pakile e "fosahetse," hobaneng ba sa etse letho ka eona? Re phela horeng eo, ke eona, re nakong ea bofelo. Ba e tseba, ba ba kholisitse hore ba qhekanyelitse, 'me joale ha ba etse letho ka eona.

¹²⁹ E ne e le moifo o manyoka morao mono, 'me tsoalo ea ona ke ena hape: ho fumana monna ea itseng, ho fetisa thuto ea mofuta; thuto ea Bonikola, athe pele e ne e le e—e *liketso*, joale e fetohile "thuto." Matsatsing a Al Smith e ne e le *liketso*, empa joale ke "thuto." Uhhuh, uh-huh. Joale e teng mona, e holim'a rona. "Oh, e tla ba khabane ea mopresidente," ha ho pelaelo ea letho kelellong ea ka; ruri, bakeng sa tema eo e latelang, hofihlela a ka cheseletsoa kahare, ho phutha bapagane le Bakreste bana ba hoammeng 'moho.

¹³⁰ Ba ntse ba sebetsana le Dibibe, ho leka ho e teanya 'moho, bomopapa, dik'hadinale. Arekabishopo oa Engelane, arekabishopo oa Canterbury, ke kopane le eena, ra tsukutlana ka matsoho, ho qoqa le eena, ka bona, mohla ke etetseng Engelane; dikamase li batla li nyolohela linokeng tsa hae, 'me (Oh!) e le mothaka ea batlang a apere mohlolo. Empa a tloha a chakela mopapa, khetlo la pele ba kileng ba chaka lilemong tse makholo. Ke eng? Re horenq ea ho qetela!

¹³¹ Ke ka lebaka leo ke emeng mona bosius bona sebakeng sa kantle mona kalaneng nqa e 'ngoe ho leka ho rera le ho rapella bakuli. 'Me nka sitoa ho kopana le bona bohole likalaneng (melaetsa ena hape le hape), lebaka leo re E behang holima teipi re E romela lefatšeng, ba tle lemosoe 'me ba khuttlele Tumelong.

¹³² Esita le mongoaheng oa ho qetela oa Bokreste, Juda, pele Buka ea Tšenolo e ngoloa; Santa Juda, eo ho thoeng ke moena (moena ea holisitsoeng 'moho) oa Jesu, o itse, "Ke batla le loanele ka chesho Tumelo e kileng ea fuoa bahalaleli ka nako e le 'ngoe." Ba ne ba qala ba e fapoha, ka morao ho lefu la Morena Jesu. 'Me joale e hole hakae bosiu bona? Le a bona.

¹³³ Joale, K'hansele ena ea pele ea Nicene, e ne e tšoeroe ka A.D. 330...325. Kopano e ne e batle e eteloa ke moifo le dibishopo tse ka bang sekete le makholo a mahlano, empa ba ba photphoma, ka boqhekanyetsi, ba k'hansele e sefefo. 'Me ba ba hlola, ba vouta hore Banikola ba hape, 'me e le ho nka e...kereke eohle, le ho e bea tlasa bookameli ba bomopapa kapa—kapa dibishopo, kapa ho hong; ho amoha Kereke matla le ho a nehela dibishopo, hore dibishopo li laole kereke e be eena a inotši ea ka buang letho ka Lona.

¹³⁴ Na le lemohile kahara kereke ea Katolike kajeno? "U ke ke oa bala Bibe, ha e a etsetsoa ho toloko ke uena. Ke mobishopo." Na le bona moo e tsoang teng? Joale le ka bona seo Bonikola bo neng bo le sona kannete le pele bo qala bo memetsa bo khasa. Bo tsoetsoe hantle mono. Ke 'nete. 'Me e ne e le sebopaho sa Bokreste; bo sa le joalo!

¹³⁵ 'Me Maprotestanta a ba bapisa hantle. Bibe, ho Tšenolo 17, e itse, "'Mè le barali." Re tla e finyella ha morao, ha Morena a ratile. Joale le a bona kajeno e a ts'oana, ba hapile. Joale, Konstantine o sebelisitse maqheka a Baalame.

¹³⁶ Joale, ke batla le leke ho mamelisisa ka bokhoni ba lona. Joale, mona O boletse, ka Bibeleng mona, “U tiisitse tumelo ea Ka.” Joale:

. . . na le litaba tse seng kae tseo ke li nyatsang ho uena,
ke hobane mona u na . . . uena . . . mono ba nang . . . (hase
bana mona, empa mane; ba na le bona, “u na le bona
ka hara—ka hara kereke ea Pergame,” le a bona) . . . ba
ts’ oereng thuto—thuto ea Balaame, ea rutileng Balake
ho beha khopiso pela bana ba Israele, ba tle ba je tse
hlabetsoeng melimo ea bohata, ’me ba etse bohlola.

¹³⁷ Joale, Konstantine o sebelisitse lona leqheka la Balaame. Ba ne ba tšoare kopano ka morao ho k’hansele ena moo dibishopo li ile tsa beoa holima likereke, le joalo-joalo, ho e busa, le ho amoha phutheho matla ohle, “Me ha ba na mohopolo oa bona, hape ha ba na tokelo ea ho toloka Mangolo.” ’Me ntho eohle e khethetsoe baprista, ba ne ba tla toloka Mangolo.

¹³⁸ Qetellong, ka mora nakoana, ba hlaphisa moprista oa sehlooho, ’me bao . . . moemeli, eena e le mopapa. Empa joale ba fihlile moo ba hlommeng, “e—e kutloisiso eohle e khethetsoe moprista, ’me phutheho ha e a tlameha ho bala Bibele, ha ba tlameha ho etsa letho;” ’me, bonneteng, bao . . . ba hanueloa Bibele. ’Me joale ba—ba ipelesitse ntho eohle ’me ea vouteloa rona kaha e bonahetse e le molemo.

¹³⁹ E bonahetse e le molemo ka ha ba ne ba ruile, le joalo-joalo, ’me a abela . . . Kopanong e kholo ena, mohla a ba memileng ’moho, Konstantine o abetse dibishopo meaho e metle; a tlopora cheletana ’me—’me linqalo tsena tsohle tse kholo tsa litonana . . . tse joaloka meaho, a li abela kereke, ho li sebelisa e le—e le matlo a kereke. Oh, e ne e le meaho e metle, bohole ba khabile, le joalo-joalo, ebile o e abela kereke.

¹⁴⁰ Kathoko ho moo, a apesa dibishopo tsena likobo tse phukallang tsa litonana, le lik’hete tse katlase le lintho katlasa tsona. Ntle le moo, a ba hloellisa holima . . . kapa a haha linqalo tse phahameng joaloka ena, ho ba emisa holimo mono joaloka seseto. ’Me katlasana ho bona ha teoa lialetare tsa mabole, tlasa bona. ’Me a hlaphisa phethoho ena eohle, e okhiloe mohopolong oa bopagane, ea tšela, le ho kenya Bokreste ho eona ka ho nka dibishopo tsa bona. Le a bona, ba mpile ba theola seseto ba nyolla bishopo. Le a bona, ba mo ahela aletare, ntho e tšoanang, ba mo fetola molimo. Ba nyolla bishopo, a fuoe tokelo eohle ea ho bua, ho mo apesa ka bottlalo a hla a tšoana le molingoana. Sebakeng sa ho mo emisa joaloka melingoana ea bona ea bopagane, ba mo apesa kobo e tšoanang le ea Jesu. Le a bona? ’Me ba mo hlaphisa joaloka seseto se lutseng mono.

¹⁴¹ Oh, le ka nahana kamoo mopagane a itseng, “Be, nka e thabela, motho o teng ea ka re buellang. Esale re bua le seseto, empa monna enoa a ka khutla a bua le rona.”

¹⁴² Le Mokreste a nahana, “Be, ehlile ho a babatseha. Joale re ka etsa ka borata bohole hobane molimo oa rona ke eo. Feela re ka ’na . . . Re ka buisana le eena, a ka re arabela tšoanelo ea rona. Ha re etsa sebe, re tla ipolela sona ho eena, re mo tšelle lethoana, le nthoana . . . ho etsa novena kapa se seng; ’me ntho ea pele le a tseba, bohole re lokile, re ka tsoa ra ikutloa re lokolohile hape. Ha re a tlameha ho touteska letho.”

¹⁴³ “Oh, e bonahetse e lokile.” Ehlile! E sa ntse e sebetsa joalo mohopolong oa nama, empa u ke ke oa e sutela ’metsong oa ngoana Molimo ea tsoetsoeng-labobeli. Ha ba eso khone ho e phethisa. Hoba o tseba Eo a lumetseng ho eena ’me o khotsoe hobane O khona ho boloka se behiloeng ho Eena ka letsatsi lela. ’Me re lebala lintho tse morao, re hahamalla pheo ea pitso e holimo ho Kreste. Amen! Oh, ke leboha hakakang!

¹⁴⁴ Aletare ea mabole tlasa hae, o lutse holimo mona, a hlile a apere, kereke e majabajaba. Oh, banna, bohole keha ba hlophositsoe. Ho lokile. ’Me aletare ena e manehiloe, aletare ena ea mabole, e ntle. Ekare le ka li bona le joale, li a tšoana. Li manehiloe gauta, li hlonngoe mahakoe, majoe a bohloko aletareng ena. Botle! E hlile e nyallana le Banikola le bapagane. Le bona seo a se entseng? A inkela mekete ea bopagane, mehopolo ea bopagane; a nka Bokreste, ba batang ba fofo ba sa tsebe hantle ho feta, ba se na Moea o Halalelang ho ba tsamaisa ka ho fapania; a ba teela molimo mona lefatšeng, a ba ahela aletare, le molimo o lulang mono ho ba tšoarela libe. Na le batho ba moea? Na le utloisia seo ke se bolelang? Le a e bona keng na? Ho ts’oarea sebe holima lefatš.

¹⁴⁵ Ha ke e qotse ka kelello ea ka, e tsoa nalaneng. Nka le fa leqephe le nomoro ea nalane e khetheleng, ho tšoana leha nka u phethela tsa George Washington, le Abraham Lincoln, le Ntoa ea Gettysburg, le joalo-joalo. Ehlile, lintho tseo ke li qotsang mona tsohle ke tsa nalan.

¹⁴⁶ Joale, ke ha e khohlelane haholo le . . . e seng le Kereke ena e tsoetsoeng-labobeli. Che, monghai! Be, eitseha ha ba emisa monna holimo mono joale, ho beoa bishopo oa sehlooho, ho thothokisa litšebeletso, ketso eo e leleketsa Evangeli e Tletseng kantle ho eona. Le kajeno ho sa lutse joalo. Mengoaha eo empa e tselisoa feela, empa e qaphana feela, le a bona; ka sebopeho se seng, letsatsi le leng. Oh, mohla ba neng ba emisa khalala holimo mane joaloka molimo, a thothokisa litšebeletso tse ’maloa.

¹⁴⁷ Lemohang hobane bapagane ba rapetse balimo ba bona. ’Me kereke ea Protestanta e ka emang e re, “Ke lumela Kereke e Halalelang ea Roma e Katolike le kopanong ea bahalaleli.” Uena Methodise u ipate sefahleho, Mapresbetriene, le Maluthere. Ntho efe e rerisanang le bafu ke bouelli! Ehlile. Empa, joale, Protestant e ke ke ea tšeja Katolike, o ntse a etsa hona hoo, maipolelo ana a lekane ho u pepesa hore o lumela hona hoo;

ho kolobeletsoa hantle morao kahara kereke ea Katolike ka kolobetso ea hae ea metsi, ka ho hanelo le ho hlapaola batho ba lekang ho phela seo hantle; ho ea kerekeng le ho bona batho ba hlabo litlatse tlasa matla a Molimo, le ho ema kantle ba iqabola ka Eona. Seo sohle.

¹⁴⁸ Le a bona, meeaa ha e shoe; batho ee, empa e seng meeaa. Le a bona? Moea o Halalelang, O ke ke oa shoa. O ne o dutse ho Jesu, joale O kahara Kereke ea Hae; o tla be sa le o le teng A tle a be a *tlele* Kereke ea Hae, hobane Ke karolo ea Hae. Le a bona? Leha batlatlapi, bao—bao ba ba somme motseo mono letsatsing leo, ba sa ntse ba phela mona kajeno. Molimo o tlosa motho oa Oona empa e seng Moea oa Oona lefatšeng. Diabolosi o tlosa motho oa hae empa le ka mohla ha a tlose moea lefatšeng.

¹⁴⁹ Baprista bao ba ometseng lefu la Jesu, ba Mo bitsitseng “senohe,” kapa “diabolosi,” mathaka ao e ne e le barapeli ho latela borapeli bohole bo khonehang. Ke hantle. Ba tsebile Lengolo leo ka letere, feela ha ba tseba koahollo ea Lona e nepileng. Ba ne ba fupile mohopoloo oa bona, ba sa mamele letho le sele. ‘Me ba Mo bone ‘me ba tsebile... Ba sitiloe joang ho bona Jesu a ne a sa lokeloe ke hohle ho boletsoeng ke moporofeta e mong le e mong ka Eena? Empa ba ne ba foufetse. ‘Me Molimo O boletse o foufalitse mahlo a bona ka morero, rona re tle fuoe sebaka sa poloko.

¹⁵⁰ Joale Bibele e boetse e lekantse A tla...ha thoe re Mongoaheng ona oa Pentekosta, o leng “feela, malimabe, sefov, athe ha o tsebe.” Ke ao maemo a kereke, Filadelfia. Oh, lona Mabaptise a seteiseleng, Mapresbeteriene, le Mapentekosta! Le a bona, ke lona bao. Ka linako tse ling ha ke a e lebisa ho lona ba lutseng mona; ke holima teipi, le a bona, ‘me ke tseba moo e eang teng. Le a bona? Bakang! Khutlelang Bibeleng! Khutlelang ho Kreste!

¹⁵¹ Ho lokile, empa ke sona se hlahileng, Evangelie e Tletseng e theseletsoe kantle. Mehlole le meeka e ile ea phahloa kahara kereke, ‘me mohla sehlopha sa Moea o Halalelang se neng se lelekoia ho ba bang, ebile ba latola hore letsatsi le joalo le ne le le teng. ‘Me ke lebakeng leo... ‘Me le kajeno ba etsa hona hoo! Ka tšoanelo. Na ha le bone moea oa eona? Joalokaha ke le boleletse; tšimolohong, khoesang mohopoloo oa lona oa moea, le lumelle Molimo ho bula pelo ea lona. U se ke oa ba leeme, lula u mamele; ho re, “Moea o Halalelang, ntšenolele. Ke a e bona, ke eo.”

¹⁵² Litšebeletso. Kae? Mabaptise, Presbeteriene, esita le Mapentekosta, e fetoha mosebetsi oa borapeli feela. Ntho eo ba e etsang feela ke ho tiletsa piano, ntho e itseng kapa e ‘ngoe, ho qhomela holimo-le-tlase nakoana; hang piano e thola: Putla! Ho tsoa, ho qhekanyetsa, ho utsoa, leshano, ntho efe e sele. Empa ea sebele... Le mabifi a lekanang ho loantša saga e rorang, ho bua ka e mong le e mong le ka ntho e ‘ngoe le e ‘ngoe. Le a

bona? Ke moo. Hase Methodise e inotsi, Baptise, Presbeteriene, Katolike, empa kereke ea Pentekosta kahara Mongoaha oa Laodisea mona.

¹⁵³ Oh, hobaneng le sa khutlele ho seo bontata lona ba kileng ba se kakatlela? Hobaneng re sa khutlele ho pentekosta ea sebele e halaletsang le e tlatsang ka Moea o Halalelang, e khutlisetsang Kreste ho rona? Ke seo re se hlokang. Ho lokile. Joale, le kajeno ho a tšoana!

¹⁵⁴ Joale, lentsoe *Pergame* le bolela “nyetsoeng.” Lona lentsoe *Pergame* le bolela “nyetsoeng.” Bokreste (leo ke lehlakore la Bonikola, lephako le fofo) bo nyetsoe ke naha, ka litšebeletso tsa bopagane. Litšebeletso tsa bopagane! ’Me ebile tsoalo ea kereke ea Katolike letsatsing leo.

¹⁵⁵ Joale, mang le mang o tseba kereke ea Katolike e bopiloe mane K’hanSELeng ea Nicene. Pele ho moo, e bitsitsoe “Banikola” ke Molimo; e bolelang *Nicko—Nicko*, “ho hapa,” ho hlola kapa ho phethola phutheho. ’Me hoba e etse hoo, keha ba sa batle Moea hara batho; le *balebeli*, ba bolelang “balisa,” ho lumella Moea o Halalelang . . .

¹⁵⁶ U re, “Khele, na moprista e ke ke ea ba molisa?” Ebe o le fepa lijo tsa mofuta mang? Na le kotula litholoana tseo tsa bona, tsa Letsatsi la Pentekosta? Ruri lekhale! “Ahe Maria,” ke mang ea boneng ntho e joalo mane Pentekosta? Novena, ho fafatsa hona hohle, ho horometsa, ho sebelisa Molimo oa boraro (“Ntate, Mora, Moea o Halalelang”), selo se joalo le se fumana kae ma ne Pentekosta? Jesu o itse, “Ntlu eohle ea Iseraele e ke e tsebe ruri, hobane Molimo o entse Jesu enoa, eo le mo thakhisitseng, Morena le Kreste ‘moho.’ Ke hantle. Lintho tseo re li fumana kae? Ke Bonikola le ho qaleng, ’me ea ipopa kahara Bokatolike.

¹⁵⁷ Joale u re, “Be, ke hlile ke thabile ha ke se hara bona.” Joale u ke se oa kholiseha tlolo. Le a bona? Joale hopolang: Bokreste, Bonikola. Joale na le tšoere pale eo? Mamelang ka hloko pele re khatha tema. Ke batla batla hore le e tšoare leha re ka lula mona ho fihla khitla ea bosiu. Ka hona, uh-hum . . . e le hore e . . . hoba, moena, ke moea oa hau! U ka re, “Be, ke setho sa . . .” Eo hase—eo hase Eona. Ha u se na Moea o Halalelang, moena, ha ke tsotelle u setho sa likereke tse kae, u lahlehile. Ha u sa tsoaloa labobelik ke Moea oa Molimo, ka kolobetso ea Moea o Halalelang, u lahlehile; hoba ha u na Bophelo Bosafeleng, ’me Bophelo Bosafeleng ke eona feela ntho eo Molimo o tlhang ho e tsosa, hobane Ke bona feela bophelo bo setseng.

¹⁵⁸ Ekare ha tlhaku ea mabele . . . joalokaha ke qotsitse mona, Hora ea Temo. Ba bakae ba hopolang Moena Spurgeon oa khale, moreri oa Methodise holimo Henryville? Qhoku ea khale e babatsehang. Ke mohla re lutseng selibeng sa lebejanapo mane Red Furnish’s, tsatsi le leng, re lebejanapo; re qoqa ka kopano ea ka holimo mane, khaso ea lenaneo la Hora ea Temo e kene. ’Me

Red o ne a—a buletse sepikara, e le sa . . . sa radio ea hae e lutseng mono. 'Me ba ntse ba bua nqa e 'ngoe . . . ehlile molaetsa o ne o tsoa Louisville. Empa Tlelapo ea 4-H e tšoere—tšoere machini a qhotsang thollo ea mabele eo ba ka kenyang k'halsiamo ho eona, le dipetroleamo, le ntho eohle tlhakung, le ho etsa e tšoana hantle le e entsoeng ke . . .

¹⁵⁹ Eona 4-H e ne e tšoere, mahlale a e chorisitse hoo thollo e tšoanang le ea makoma ebile u ka kha mokotleng oa tlatsa seatla ka e lenngoeng tšimong, ho kha seatla se tletseng mokotleng oa e qhotsitsoeng ke machini, 'me ena e ka mona (e qhotsitsoeng ke machini) e hlahisa lijothollo tse tšoanang, bohobe ba thollo. Koana u ka li theolela laborathoring oa li petsola, litlhaku, oa sitoa ho li khetholla. Bokaalo ba petroleamo bo a lekana, bokaalo—bokaalo ba k'halsiamo, le—le mongobo; sohle se kentsoeng thollong e 'ngoe ea tlhaku, se fihleloa ho e 'ngoe.

¹⁶⁰ O itse, "Mokhoa o tiileng ho tsebisisa e hlahetseng tšimong, le e qhotsitsoeng ke machini: epela liatla tse peli tseo tse tletseng. Bobeli li a bola, e qhotsitsoeng ke machine e ke ke ea nyoloha hape; empa e hlotsoeng ke Molimo, e boela e phela." Hobaneng? Hobane ha e a phelisoa.

¹⁶¹ 'Me u ka itšoanelia le Mokrete, oa itšoara se sa Mokreste, oa etsa botle bohole boo u ka bo khonang, oa phela bophelo bo tšepehileng kerekeng ea hau; empa ha u sa kenngoa jeme ka Moea o Halalelang, Bophelo ba Molimo, Bophelo Bosafeleng bo kenang ho uena; e seng ka maipolelo, empa ka *neo* ea Moea o Halalelang. U O fumana joang? Ngaka e boletse, ka Letsatsi la Pentekosta, e ngotse motsoako, "Bakang, le kolobetsoe e mong le e mong oa lona ka Lebitso la Jesu Kreste, le tla nka neo ea Moea o Halalelang." Neo ea Moea o Halalelang, e leng Bophelo Bosafeleng. Ke eona feela ntho eo Molimo o tlang ho e tsosa. Ke eona feela ntho e nang le Bophelo eo A ka e tsosang. Le a bona? Ke eona feela ntho e ka tsamaeang. Ke tšepa e hlakile. Molimo o ke o e hlakise.

¹⁶² Joale, Banikola ba ne ba e na le lehlakore le fofo, ba ile ba nyaloa ke kereke ea bopagane; ho kenya lialetare tsa bopagane, ho haha lialetare tsa Bokreste; ba kentse molimo oa bopagane, ba o buisa ho qoqa, ka sebopoho sa bishopo. Ho lula holimo mane, ho e apesa e tšoana le molimo. Le a bona? Hase se kantle, ke se leng kahare. Litlhaku tsa lithollo tse peli li a itšoanelia; e ne e se se kantle, e ne e le se kahare. Le a bona, bokahare, Bophelo. Be, e ne e etsoe mono, ebile moo kereke ea pele ea Katolike e tsoalloang teng, e ne e le 'm'a likereke tsohle tsa mekha ea malumeli.

¹⁶³ Joale u re, "Be, ke . . . Moena Branham, ha ke mpa feela ke se Mokatolike."

¹⁶⁴ Joale, motsotsotso feela, ha re khefutseng mona motsotsoana feela, ebile. 'Me ha re—ha re phetleng ho Tšenolo, khaolo ea 17,

motsotso feela. Ke phetlile ho eona hantle ka kotloloho. Joale, ena ke tšenolo ea eng? Jesu Kreste, e lebisoang ho likereke tsa Hae. Ha ke bala, mamelang ka hloko:

*Eaba lengeloi le leng la a supileng a tšoereng linkho
tse supileng le tla ho 'na, la re . . . Tloo mona; 'me ke tla
bontš'a . . . kahlolo ea seotsoa se seholo se lulang holima
metsi a mangata:*

¹⁶⁵ Joale, ha nka fumana paki, ba ba kae ba tsebang hore *mosali* ka Bibeleng, khafetsa ha e hlahisoa ka papiso, o bolela "kereke"? Ho lokile. Ba ba kae ba tsebang hoba "seotsoa," se seholo hantle mona khaolong eona eo, ke "motse o lutseng holima maralla a supileng"? Ho lokile.

¹⁶⁶ 'Me joale ba ba kae ba tsebang Bibele e boletse hoba "metsi"? Mona o lutse holima "metsi a mangata"; e seng *metsi feela*, empa "metsi bongateng." 'Me *metsi* a bolela "batho." Khele, tšoarang khaolo ea 15, le ka bona mona, le a bona, temana ea 15, le a bona:

*Eaba le itse ho 'na, Metsi ao u a boneng, ao seotsoa
se lutseng ho ona, ke batho, . . . matšoele, . . . lichaba, le
lipuo. (Le a bona? Le a bona?)*

¹⁶⁷ Joale, mosali enoa e ne e le mokoenehi. Ana o ne a se joalo? Joale ena ke thuto, joale u tšoanelo ho beella letsoalo la hau ka mora hau. Le a bona? Mosali e mobe eo o bitsoa ke'ng "seotsoa"? Ke mosali ea sa tšepeheng kanong ea lenyalo la hae. Joale kereke, kereke ea Katolike, e itlaleha e le Monyaluoa le Mosali oa Kreste. Esita le baitlami ba kuta moriri oa bona, ha ba ithare likamanong, "litabatabelo tsohle tsa bona li ho Kreste." Na ho joalo? Ehlide. Kapa mang . . .

¹⁶⁸ Motheo oa ka ke Katolike, le a bona. Ke tšoere *Linnete Tsa Tumelo Ea Rona*, le libuka tsa bona; le Maprotestanta a lona, le Mabaptise, le sohle seo le se lumelang; ka mono ka setading sa ka. Ka hona, ke a e bala hore ha motho a bolela taba. "Hela bo!" Nka u chechisetsa hantle polelong ea hau. Le a bona? Ka hona, ho tlile hora ea ntho Ena ho tsoa.

¹⁶⁹ Joale, ntho ea pele, Molimo o ne a tlamehe ho haola sechabeng, a bontša lipontšo, meeka, le mehlolo, ho tsebisa batho. Linku tsa Molimo li tseba Puo ea Hae, li a tseba, li tseba hantle. Pele u tšoanelo ho fumana . . . Ha u tsoa u sa tsebjoe, u mpa feela . . . U etsang? U ba senya ho feta pele. E re e . . . lumella Molimo ho e hlokomela. Le a bona?

¹⁷⁰ "Ke tla u bontša kahlolo ea seotsoa se seholo." Joale, haeba a le joalo, e ne e le mosali ea ipolelang se seng se . . . O ne a feba! Na ho joalo? Be, ka hona, haeba e ne e le kereke, o ne a feba khahlano le Molimo. Na ho joalo? Ka hona bofebe, ke bohlola, bohlola ba *moea*: o ruta batho se seng seo e seng Lentsoe la Molimo. Na ho joalo? O ruta seo e seng 'nete. Ke Banikola bao. Le a e bona ha e fihla mona? Ho ea kahohle ba hloma bomopapa, le baprista, ba ntša Moea o Halalelang, "Matsatsi a mehlolo a fetile"; athe

Bibele e itse, "Jesu Kreste ke oa maobane le kamehla." Bibele e itse, "Bakang, le kolobetsoe e mong le e mong oa lona ka Lebitso la Jesu Kreste tšoarelong ea libe tsa lona"; o re, "Ntate, Mora, le Moea o Halalelang,"fafatsa, horometsa hohle. Oh, banna! Le a bona?

¹⁷¹ Ho lokile, shebang se neng se etsoa ke mosali enoa:

... seo marena a lefats'e a febileng le sona hangata, le ba ahileng... lefatšeng ba tahiloeng ke veine ea bootsoa ba hae bo bongata.

¹⁷² "Ho taho!" Ho le bolaea, ho le fenetha, ho u thunya, kapa ntho efe, moena. Ba hlile ba tahiloe ke nyee eo. Le a bona?

¹⁷³ "Veine." Ke seo a se abang, le a bona, veine ea bootsoa ba hae. "E re ke u bolelle! 'Mè e ne e le Mokatolike, 'me ke tla . . ." Ho lokile.

¹⁷⁴ Joale u re, "Hoo ho a tšabeha." Joale bea butle motsotso feela, Maprotestanta. Huh! (Ke bua le ba liteiping tsena, le a bona.)

Ka baka leo la nkisa felleng ka moea: 'me ka bona—ka bona mosali ea lulang holima sebata se 'maloa oa sekarelata, . . .

¹⁷⁵ Joale, ebe lentsoe leo sekarelata le lekolang? Le lekola "borena." Le bolela . . . ke bolela, le bolela, "borena, borena bo tšepehileng," le a bona, joaloka marena le ba joalo.

. . . se tletseng mabitso a bonyefoli, se nang le lihlooho tse supileng le linaka tse leshome.

¹⁷⁶ Joale, lihlooho tse supileng ke "lithaba" tse supileng tseo motse o lutseng holima tsona. 'Me mosali enoa ke motse, re a tseba.

'Me mosali eo o ne a apere purapera . . .

¹⁷⁷ "Mosali." Sebata se ne se le sekarelata, empa mosali a apere purapera. Joale, na ha ke a le lemosa letsatsi le leng, ho na le masira a mararo? Ha ke tsebe na ke tla phela ha kae, empa hopolang sena. Joalokaha ke le boleletse lilemo tse ngata tse fetileng, "beang Rashia leihlo." Ho na le masira a mararo, hopolang sena. Ho na le lesira la tšepe. Ho na le lesira la liqala (Chaena e Khubelu le joalo). 'Me ho na le lesira la purapera, lesira leo le le behe leihlo, leo ke mothetsi. Hakaale . . .

. . . mosali o ne a apere purapera . . . mebala ea sekarelata, . . . khabile ka gauta . . . mahakoe a bohlokaoa le liperela, . . . (Le sa nkhopola ke bua morao mona ka seo aletare ea pele ea Banikola e neng e le sona? Le a bona? Mosali e leng "kereke.") . . . letsohong la hae o ne a tšoere pitsa ea gauta . . . (Le a hopola? Gauta e ne e manehoa holima aletare; pitsa, o ne a neha batho.) . . . e tletseng manyala a le litsila tsa bootsoa ba hae bo bongata:

¹⁷⁸ Ke sona se a se nehang batho; ba ne ba se koenya. Ehlide. Ba tahiloe ke eona! Ho tahoah feela! Sehlopha seo sohle sa Mairishi, le Mafora, le ba joalo, ba ka u khaola 'metso ha u bua letho khahlano le kereke eo. Ehlide, ba ka etsa joalo. Le a bona?

*Ho ne ho ngoliloe phatleng ea hae lebitso le reng,
SEPHIRI, BABILONA . . .*

¹⁷⁹ Joale, Babilona e faletse e tsoa kae? E tloha Babilona ho nyoloha ho kena Pergame, ea fetoha . . . Satane o fetola setulo sa hae. Oh, ekare re ka haola le Tšenolo eohle, le tle le e bone.

*. . . BABILONA E MOHOLO, 'MA LIOTSOA . . . E
LENG 'MA LIOTSOA LE A MANYALA A LEFATŠE.*

¹⁸⁰ Ke eng? 'Ma liotsoa. E ne e se bara. E ne e le bona?

¹⁸¹ [Sekheo lebanteng—Mohl.] . . . kereke ea bona. E, monghali. Ho re, "Na kereke ha e bitsoe, kahara Bibele, 'Babilona'?" Le a bona, bukeng ea bona ka sebele. Ho lokile.

¹⁸² Joale, efela ha e le seotsoa, sehlola, e ne e le 'ma liotsoa, o ne a tšoanetse a be le barali. Efela ha e le barali, e ne e le banana, e ne e le likereke. Joale kereke ea Protestanta e tsoile kae? Na ho joalo? Phapang ke efe lipakeng tsa e—e seotsoa le sehlola? Ntho e le 'ngoe.

¹⁸³ Martin Luther o tsoile, ho itokolla, ho neha Kereke ea mannete monyetla; Wesley; ho ea joalo ho kena Pentekosta; 'me e mong le e mong oa bona o khutletse hantle mohopolong oo oa Bonikola oa ho hlophisa, ka baokameli ba akaretsang, le sohle se sele, le ho khutla hantle ka kolobetso eo ba kolobelitsoeng ka eona, sebopoho se tšoanang, litšebeletso tse tšoanang, bongata ba bona bo bile bo nkile likatekisima le '*ahe Maria*.' Hase *boAhe Maria*, empa . . . Keng ntho ena e batlang e tšoana le eona? Eo *Tumelo ea Baapostola*. Mpontše Tumelo ea Baapostola ka Bibeleng, moena. Haeba—haeba ba kile ba thea tumelo, ke Liketso 2:38, ke sona seo ba se laetseng motho ka mong ho se etsa. Le utloile kae moapostola a thothokisa tumelo, ho thoe, "Ke lumela ho Kereke e Halalelang ea Roma e Katolike. Ke lumela kopano ea bahalaleli"?

¹⁸⁴ Athe mohla e . . . Petrose, ea neng a tšoere linotlolo, o itse, "Ha ho 'muelli e mong lipakeng tsa Molimo le batho, haese Kreste Jesu."

¹⁸⁵ Empa shebang likereke tsa Protestanta. Li entseng? Ha li a ka tsa khotsafala. E 'ngoe le e 'ngoe ea tsona e tsoileng, e tsoile ka Lehlohonolo la Pentekosta. Ke hantle haholo. Esita le Martin Luther o buile ka lipuo. Ke hantle haholo. O ikopetse tšoarello, a re, "Molimo, mantsoe a tšabehang ana ao ke a bebenyang, ha ke tsebe seo ke se buang." Le a bona? Ehlide, o lumetse ho Tsona. Ruri, o entse.

¹⁸⁶ Joale, ho theoha le mongoaha esale ba tšoere—tšoere Moea, empa kamehla hoba bathei bao ba mesong ba falle ba ikhula

ba hlophisa mekhatlo. Holane la tlohela kereke ea Lutherane ea tsoelapele, le sa e hlophisa, e ka be e fetohile Pentekosta. Kereke ea pentekosta keng? Ke bua ka pentekosta ea makoma. E seng mokha oa bolumeli, joale, ho mpa ho le joaloka “pitsa le ketlele” hape. Le a bona? Empa ba entse ho tšoanang, hoo ho boela ho ba hloma morao hantle ho Banikola mokana ba entse tšimolohong. Ba e bonang ba ba kae? E reng “Amen.” [Phutheho e re, “Amen!”—Mohl.] Ke hantle. Joale, ke hore feela ke fumana lentsoe la lona le reng le a . . .

¹⁸⁷ Le a bona, ’ma “liotsoa.” Haeba e le liotsoa, li fetohile liotsoa joang? Ka ho feba khahlano le Lentsoe la Molimo. Efela ha Lentsoe la Molimo le boletse, “Bakang le kolobetsoe ka Lebitso la Jesu Kreste,” ’me motho ofe le ofe ka mono o kolobelitsoe ka Lebitso la Jesu, athe lona le nka “Ntate, Mora, le Moea o Halalelang.” Boo ke bootsoa! Na ho joalo? ’Me haeba Bibele e le ka kolobetso (*baptizo*, e tsoang lentsoeng la Segerike), ebe le fumana hofafatsa le ho horometsa joang? Ebe e kena kae? Haeba le fapanyetsa ho tsukutla ka matsoho, kapa ho beha bohojana molomong oa bona le ho bo koenya, kapa ntho e kang eo, ho ananya Moea o Halalelang, ’me Moea o Halalelang o theohile Leholimong joaloka moea o fokang ka sefeso oa tlatsa batho, oa ba buisa ka lipuo, ba hooeletsa, e ka motho ea tahiloeng, ’me le fapanyetsa ho tsukutla matsoho, kapa ho kenya lengolo la hau kerekeng, kapa ntho e kang eo, le tla sutha joang tseleng ea ho etsa bohlola ba moea?

¹⁸⁸ Joale, ipotse seo feela. Hlohlorang mehopolo ea lona, bulang lipelo tsa lona le tšepahale, baena. Re pheletsong ea tsela. Likopano tsena ha li a hlophisoa lefeela mona, li laotsoe ke Molimo. Ke e bua ka Lebitso la Jesu, hore Molimo ke ona o behileng pelong ea ka ho tla koano. Ha ke thole le peni ho e etsa. Nka—nka—nka—nka—nka be ke tsoile ho ea rapella bakuli kantle nqa e ’ngoe, kapa ntho e kang eo. Kapa nka be ke tsoile ho ea tšoasa lihlapi koana, ke ntse ke hatisa chelete ea ka, ke fumana moputso ho tsoa kerekeng. Empa ke Molimo o E behileng pelong ea ka; ha ke a khona ho iphapanya Eona, e ne e sa khaotse ho ntlholiea ka Eona, ’me ke etsa sohle seo nka se khonang. Ke mona ka Lebitso la Morena, ho etsa sohle seo ke tsebang ho se etsa. Le se E lumelle ho le feta.

¹⁸⁹ Joale, Protestanta, le bona seo ke se bolelang ka kereke ea Katolike le Protestanta? Feel a . . . E ’ngoe e tšoana le e ’ngoe. Ke hantle haholo.

¹⁹⁰ Joale, le bolela ho nyaloa, *Pergame* e bolela “nyaloa.”

¹⁹¹ Joale ha re nkeng . . . O itse, “Hara lona le na le ba eang ka thuto ea Balaame.” Ha re nkeng hoo feela.

¹⁹² Re na le nako na? Ke tla potlaka ka bokhoni ba ka. Kapa le batla ho ema le shebe haeba re ka khutla hoseng? Ba batlang ha

re qhoba ba ba kae, nakoana e seng kae feela? A re . . . Ho lokile, joale ke—ke a tseba ka mona ho a chesa. 'Me haeba le lutse 'me le ntse le chesa, le nahanang ka holimo mona? Le a bona? Empa, oh, banna, re leka ho balehela nqalo eo e chesang. Le a bona, ke eona—eona taba, hoba, re hlola ka Bosafeleng.

¹⁹³ Joale, eitseha ba hlophisa kereke joalo, ha etsahalang? Joale mamelang ka hloko, bana ba ka. Ha etsahalang? Khele, ehlile, hoo ho ntšitse Moea o Halalelang hantle kerekeng. Ha ho makatse ho se mobishopo oa bona ea tsotsitseng bafu leha e le ea entseng mehlolo. Koana ba itseka bahalaleli bana ba ne ba le ka kerekeng ea bona! Ba ne ba hanyetsa ntho eo, empa ba ba bitsa ba bona!

¹⁹⁴ Shebang Joan of Arc, mosetsana eo. Ke botsa batho lona ba Katolike, kapa lona Maprotestanta, mang oa lona. Joan of Arc, letsatsing la hae, mono Fora ho ne ho se letho, haese kereke ea Katolike e falatsang bahalaleli. Empa Molimo oa tsamaea holima ngoanana eo 'me a e na le Moea o Halalelang. 'Me a etsang? O boletse lintho tse tlang, Morena a mo bontše lipono a bolele ntho e tlang. O ne a rapella bakuli. O ne a rapelle lesea le shoeleng, la boela la phela. Boo ke bopentekosta. Le a bona? Eaba kereke ea Katolike e mo etsang kahobane a hanetse kereke ea Katolike? Ba mo hulela khotla, ba mo chesa thupeng ho thoe ke "moloi."

¹⁹⁵ 'Me joale le re, "Santa Joan of Arc." Lilemo tse makholo a mabeli ha morao, ha e batlile, ea re ha kereke e fumana seo ba se entseng, hore e ne e le leSanta, oh, ehlile, ba itlhonamela; ba epolla litopo tsa baprista ba chaeletseng lefu la hae, ba li lahlela nokeng. Le hopola e ka hlatsoa mali matsohong a bona le ka mohla? Bibebe e itse, "E—e mali a 'molaeloa-tumelo e mong le e mong a fihletsoe ho eena." Ke seo Lengeloi la Morena le se tlalehileng se fihletsoe Babilona, "Polao ka 'ngoe, kapa 'molaeloa-tumelo, le bahalaleli bohle ba Kreste ba kileng ba bolaeloa-tumelo, ba fihletsoe hantle ka mono ho qala ka Mongoaha oa Bonikola ho haola, 'molaeloa-tumelo ka mong." E nahaneng. (Ke a u leboha, Moena Ben.) Joale, nahanang taba eo.

¹⁹⁶ Joale, ho tsoela pejana joale. Kereke ea Bokreste e nyetsoe ke—ke e . . . ho Babilona. *Pergame* e bolela "lenyalo."

¹⁹⁷ Joale, "Thuto ea Balaame. Hara lona u na le ba eang ka thuto ea Balaame."

¹⁹⁸ Oh, ke rata lintho tsena feela. Oh, hola motho o ka lika-liko nakoana holima e 'ngoe, le a bona, u mpa feela . . . Re batla ho le bontša eona re ntano fetela nthong e 'ngoe, hoba e katiloe feela—feela ka likaqa tsa gauta. 'Na ke morafi; ke rata ho theoha ke ea cheka likaqa tsena ke li bentše, ke li hlakole tjena, ke li shebe. Se seng le se seng sa tsona se tla halimisa Jesu Kreste! Se seng le se seng sa tsona, le a bona. Se seng le se seng sa tsona se halimisa Jesu Kreste. Ke Alfa le Omega, k'harata ka 'ngoe—

ka 'ngoe ea sekaqa sa gauta. Ke hantle. Ke karoloana ka 'ngoe ea sona. Lebaka leo E leng Bomolimo bo entsoeng nama hara rona.

¹⁹⁹ Joale, ho ka fumana . . . Nke—nke ka nka nako ka sena, hoba ke na le . . . Ke a bona ke robong. 'Me ke—ke batla ho kena nthong e 'ngoe bosiung bona, ha Molimo o ratile. 'Me ke batla le e ngole fatše le e bale hosane, ngolang ke hona Numere 22 ho isa ho 25. Ke batla le bale seo joale, le ka ntšala morao. 'Me joale—'me joale Numere 22 ho isa ho 25.

²⁰⁰ Re a tseba hobane Israele—Israele e ne e le batho ba khethuoeng ke Molimo. Na ho joalo? E ne e le . . . E ne e le Pentekosta. Ba ruile Moea hara bona. Le hopola molaetsa oa maobane bosiu? Kamoo Moshe mohla a tšetseng Leoatle le Lefubelu, kapa Leoatle le Shoeleng, eaba o fumana ka mora hae kahara Leoatle le Lefubelu, la mali, le bapisang mali . . . batubi bohole ba kileng ba mo tuba le bana bohole ba Israele. Moshe a phahamisa letsoho la hae a bina ka Moea. Oh, e mong le e mong oa rona e ka ba Moshe ha re hetla morao Maling a mafubelu a Morena Jesu re bona letahoa ka leng la khale, botlolo ka 'ngoe ea khale, mosali ka mong oa khale ea manyala, ntho ka 'ngoe litšila e kileng ea tšoara bophelo ba rona, tshole li shoele Maling a Morena Jesu. Li re bints'a ka Moea! Lisakrete, likoae, le litloaelo tse mpe, le ntho eohle e sele, li shoele, Maling a Morena Jesu; ka hona re ka phahamisa matsoho a rona ra bina ka Moea. Le a bona?

²⁰¹ Le shebe seo Meriama a se entseng, moprofeta eo oa mosali. Joale, hopolang, e ne e le moprofeta oa mosali. A nka moropana a qala a tiletsa moropana a hobela ka Moea, ebole barali ba Israele ba mo sala morao holima lebopo, ba tiletsa meropana ena, ba bina ka Moea. Pentekosta ea makoma!

²⁰² 'Me ha u ka sheba mohla ba fihlileng Moabe. Joale re a khutla . . . Re Lengolong, joale, "thuto ea Balaame." 'Me Moabe—Moabe e ne e le moena oa Israele. Ba bakae ba tsebang moo Moabe a tsoang teng? Ho lokile. Moabe ke seo nka se bitsang lenyalisoa, hobane qalo ea Moabe e tsoa baraling ba Lota. Lota o tsoetse lesea ka morali oa hae, a fumana bana ba babeli. 'Me Moabe e le e mong oa bona, a thea sechaba sa Moabe, morabe. 'Me, ka tšoanelo, Lota e ne e le motsoala oa Abraham, ka nepahalo e boela e khutlela lesikeng leo. Re tseba seo. Joale ke batla le lemohe hoba e ne e se bapagane, joalokaha litšoantšiso tsa rona li ka le takela . . . Hopolang, e ne e le balumeli. Joale, ebole mona ha nyoloha Israele a habile lefatšeng la pallo, ba hoanta tseleng ea kutlo, athe Moabe ke enoa o mocheng hantle. Ba romela lititimi ho Moabe, ha thoe, "Re lumelle ho haola lefatše la hau. Re banabeno."

²⁰³ Joale, Moabe o bapisitse Banikola. Joale le tla bona motsotsong feela. Israele o bapisitse Kereke ea sebele. 'Me Balaame e le e mong oa dibishopo, bomopapa. Shebang le bone

joale; Bokreste ba nama. Joale re 'mona a otlioe ka neo, ha ho pelaelo ka eona. Bongata ke libui tse khabane, lingaka tsa filosofe, le—le banna ba baholo. Le ke ke la e latola. Empa, "Ba nang le sebopoho sa borapeli, ba mpa ba latola Matla a jona."

²⁰⁴ Khutlelang Pentekosta ea mantlha! Se sutheng mono. Mohla le etsang hoo, le lahlehile. Le tiisetse lehlohonolo leo. Ke Eona, Mohlohonolofatsi oa lehlohonolo.

²⁰⁵ Joale, lemohang eare ba sa kene leetong. Ba nyolohela kerekeng e fofo ena ea lefutsoeloa, 'me ba itse, "Re a feta re ea tsoseletsong. Re ts'elela koana lefatšeng la pallo. Na le tla re lumella ho feta? Ekareha makhommo a rona a fula joang bofe, ekareha a noa metsi afe, re tla lefa."

²⁰⁶ Eaba o etsang . . . ? Khosi Balake, a hla a roaleha kahohle, keha a sa batle tšebeletso e joalo kerekeng ea hae kapa naheng ea hae. Ka hona a etsang? A romela ho mopapa, kapa ho mobishopo, Balaame, moporofeta oa motholuo, ea ratang chelete ho feta ho rata Molimo. 'Me Khosi Balake a 'molella, "Ha u ka tsoela mona oa rohaka batho bana, ke tla u beha monna e moholo." 'Me Molimo oa bua le Balake. 'Me ke a ipotsa na ho ka tšoha ho e na le so- . . . Ke bolela Balaame. Ke a ipotsa Bobaalame ba bakae lefatšeng lena bosiung bona? Bareri ba Methodise, bareri ba Baptise, baprista ba Katolike, (Mohau!) ba tsebang hobane Molimo . . . haeba u bala nalane e tšoanang le ea Buka ea ka. "Balaame!"

²⁰⁷ Joale, lemohang. Eaba o re, "Theoha 'me u rohake batho."

'Me Balaame a re, "Ke tla botsa Molimo."

Molimo oa re, "U se ke oa ea!"

²⁰⁸ Empa ka moso hoseng, a re . . . a tloha a bolella moprista, kapa e—e khosi.

A khutla, ho re, "Oh, ke tla—ke tla u etsa monna ea phahameng."

Ka hona Balaame a tsoelapele; Molimo oa re, "Qhoba ke hona, u ka qhoba."

²⁰⁹ Le a bona, ha u sa sale 'Nete morao . . . U a nahana, Banikola, kahobane Molimo a u sebeletsa seo u ntseng u se etsa joalo . . . E teng 'Nete ea mantlha! U ntse u inketse thato ea Molimo e lumeletsoeng feela. U re, "Molimo o re file Moea o Halalelang," kapa "O a re hlohonolofatsa, athe re kolobelitsoe ka lebitso la 'Ntate, Mora, le Moea o Halalelang." Mobaalame tooe! Le a bona, thuto ea Balaame. Molimo oa 'molella, hoba a khohlalahale hakaale, Oa mo lumella ho tsoelapele, ho iphelahanya. U tlameha ho khutlela 'Neteng, 'Neteng ea motheo. Morao Bibeleng. "Oh, be, O re hlohonolofalitse! Le ho fa- . . ." Oh, ke tseba seo. O e entse, a bolella Balaame, oa re, "Qhoba. Haeba u batla ho ea, haeba seo e le . . . Ha u hahamalla tsela eo, u ikhethela mokhoa oa mokhatlo; u ka ikela, qhoba."

²¹⁰ Eaba Balaame o a tloha, a qhomela mulete oa hae, kapa, e seng mulete oa hae, esele ea hae, a tloha a theoha le mono. 'Me ntho ea pele, le a tseba, Lengeloi la Morena la mo eta pele tseleng. 'Me, le a tseba, moporofeta eo, mopapa eo, bishopo, k'hadinale, e bang e ne e le eng, o ne a foufaletse lintho tsa moea, mohopolo e le ho phahamisoa, kaha a phetse holima Noka ea Eufrate. A hopola e le lefa le tsotoang, ntho e kang "Holima lejoe lena Ke tla haha Kereke ea Ka,' Petrose," kapa lefika la mofuta le neng le le Roma, kapa ho hong. Empa hoba a fihle moo, Lengeloi la ema le tsomutse sabole, 'me a foufetse hakaale a sa le bone. 'Me mulete oa khobella leoto la hae lerakong. A o kalla a qhoba, e—e Lengeloi la boela la mo eta pele. Molimo o ee o kate khoro ka 'ngoe! 'Me mulete oa khiritsetsa koana le koana. Eaba o t'shemela fatše, a kokosa thupa ea hae a qala a o batolaka ka eona. Eselana ena, e robetseng mono, ea otlakoa hloohong.

²¹¹ 'Me 'na, ke a kholoa se mo fetotseng, se mo 'muselitseng mohopolo oa hae, kapa ho 'molella phoso ea hae, Oa buisa mulete oo ka lipuo. E seng mulete, e ne e le esele! Le se ke la re e ne e le "mulete;" o ka be o sa e tšoara, e ne e le lenyalisoa. Le a bona? E ne e le peo ea mantlha.

²¹² Moabe e ne e le, "Lipontšo li fetile, lintho tsohle li fetile." Iseraele e ne e latetsoe ke mehlolo.

²¹³ Empa eselana ena ea sokoloha ea re, "Ana esale ke se esele ea hau? Na le ka mohla nkile . . ." 'Me eona—eona bishopo eo ea sefofu e lutse holimo mono, e ntse e shapa mulete oo; 'me mulete o ntse o bua le eena, ho mulete e le lipuo lisele.

'Me a re, "E, u—u esele ea ka."

"'Me na ke—na ha ke a u jara, kapa na nkile ka u soabisa?"

"Che, uena lekhale. Empa holane ke tšoere sabole, nka be ke u bolaea, nka koala kopano ena. Ke theohela mono ho thiba mphi eo ea bahalaleli—bathetheli ho parola naha ena. Ke tla—ke tla u tiisetsa." Le a bona?

²¹⁴ 'Me ntho ea pele le a tseba, a tsoa-tsoa a qamakile, a nahana, "Be, mohlolo oa taba. Ke utloa mulete oo o bua."

²¹⁵ Oh, Balaame! Hmm! Le a bona, Molimo esale o bua le batho ka lipuo lisele. O e entse matsatsing a . . . U re, "E lebisitsoe ho Pentekosta feels." Oh, che. Che, che. Mane moketeng oa Beltsatsare O buile ka lipuo, oa E ngola leboteng. Mono ba tšoere monna ea otliloeng ka neo ea koahollo, eaba o ba koaholella tsona, a ba bolella ka tsona. Le kajeno ho a tšoana.

²¹⁶ Ka hona, erekaha mokoaholli oa Eona a le sieo, Molimo o phaphamisitse Baalame enoa oa khale feels (mok'hadinale enoa) ho elelloa seo E neng e le sona. Ana le tsebile mothaka eo oa sefofu a tsoelapele leha ho le joalo? Ehlide. Le kajeno ba etsa hoo, ntho e tšoanang; Bamoabe, Banikola, ba tsoelapele hantle. 'Me ba tloha ba ea koo, a tloha . . . Joale shebang, efela haeba

Molimo o ne o tlameha ho hlompha thutamotheo, O ne o tlameha ho hloholofatsa Moabe; hobane, lemohang, Balaame o hahile lialetare li supile. Ke eona hantle.

²¹⁷ Palo ea supa: mengoaha ea kereke e supile. Na le bona moelego oa moea? Joale, e tšoareng joale: moelego oa moea. Ke tla kena ho eona motsotsong, tulong e thata. Le a bona, moelego oa moea. Lialetare li supile, lipholoana li supile (liphoofolo tse hloekileng), le lipheleu li supile; li bua ka ho khutla ha Kreste, makholo a lilemo pele A fihla.

²¹⁸ Empa, ba ne ba lumela. Ba lumetseng? Ba lumetse ho Jehova Molimo. Ba boetse ba lumetseng? Ba lumetse sehlabelo se hloekileng se tlameha ho hlahisoa. Ke hantle. 'Me ba ipoletse ba lumetse Messia ea tlang, hobane ba nyehetse e—e nku e tona, eona e le pheleu. Ho joalo?

²¹⁹ Joale, ak'o qoaketsane le Mobaptise hang; u fumane haeba ba sa etse hona hoo. Ke hantle haholo.

²²⁰ Be, joale phapang ke efe? Iseraele ke enoa tlase mona maotong a leralla, a hlahisa linyehelo tse tšoanang le tse ba li nyehetseng holimo mona, ba rapela Molimo o le mong. Na ha le bone Banikola? Lenyalisoa! Le a bona? Na ha le bone oa 'nete oa moea? Phapang ea bona e ne e le efe? E mong o ne a bontša lipontšo! E mong a na le *seboleho*, e mong a ts'oere *lipontšo li latetse*.

²²¹ Ke ntho e hlahileng mona, K'hanskele ea Nicene; Banikola, Bokreste bo fofo. 'Me Moea o Halalelang oa khutla o re, "Hara lona le tšoere thuto ea Balaame." Le a bona? "Me u... Ke hloile liketso tsa Banikola, lithuto tseo ba li tšoereng, hobane ke thuto ea Balaame ea rutileng Iseraele ho khoptjoa." O e entse joang?

²²² Eitseha a tsoa ho rohaka batho bao, Molimo oa re, "Ke tla raranya leleme la hau; u ke ke oa bua letho Ke sa u laela lona. U ke ke oa rohaka seo Ke se hlohonolofalitseng." Eaba o sheba tlase mane.

²²³ 'Me le shebe moikaketsi enoa! Oh, re ka matha feela ka eona, le a bona. Shebang Khosi Balake enoa oa khale, e—e—e—e hlooho ea eona eohle, o boleletse moporofeta enoa oa bohata, ho re, "Theohela mono 'me u shebe lephako le leng la bona."

²²⁴ E—e likereke tse kholo li rata ho rialo mohlatsoaneng oa Molimo. "U a tseba keng? Ke tseba e mong oa bona. Moshaana! U tseba seo a se entseng? O—o entse *sena*, 'me o entse *sane*. Bao Mapentekosta. Ehlide." Oh, empa holane oa tseba 'nete ka bona, empa lipampiri le lintho li ikhutsetsa ka eona. Empa e re mothoana oa Pentekosta fapohe ho loka hang, le shebe kamoo naha eohle e phatlolang. Ehlide. E, monghali.

²²⁵ Empa, joale lemohang, o itse, "Sheba lephako le le leng, ka morao, le fetisang ka bobe." Balaame o itse, "Yaa, ke tla sheba lephako la eona, bobe ba bona. Ke tla etsa joalo, ke tla sheba

litšila tsa bona—tsa bona, ho-sa-loka ha bona.” Hoba efela ha u shebile ho-sa-lokang, ba ne ba se joalo. Ke hantle. Ba entse sebe sohle holima k’halendara. A mpa a sitoa ho bona, ha a bona Lefika leo le otliloeng, Noha eo ea Borase, thabo eo ea Khosi hara bona, lipontšo tsa pholiso, lipontšo, meeka, le Topallo eo ea Mollo e felahantsoeng holima bona.

²²⁶ Moporofeta eo oa bohata o sitiloe ho E bona. Che, monghali. A mpa a supa karolo ea bona e litšila, “Be, ke tseba ea hloaetseng le mosali oa monna e mong. Ke—ke tseba sena, o utsoitse chelete.” Ke hantle. Ke hantle. Ke tla lumela; empa le ka mane ba itšoanelo, feela ha ba bua letho ka eona. Le a bona? O mpa a supa sepha.

²²⁷ Empa O itse, Molimo oa re, “U bua feela seo Ke se buang.” ‘Me Baalame a haptjoa ke Moea, a nkuoa; sebakeng sa ho rohaka Israele, a e hlohonolofatsa. Amen! E ne e le eo.

²²⁸ Joale, efela ha phetetso ea Molimo . . . kapa hlompho ea lintho tsa motheo, likolo tse phahameng tsena, le diseminare tse kholo le k’holeshe, le Ph.D.’s le liD.L.D.’s le, oh, mefuta eohle ea li-D.D.’s . . . Be, holane Oa hlompha seo, be, ka hona, u ka . . . O ne o tla tlameha ho ba hlompha. Le a bona? Empa O ne o hlomphile ’me o hlohonolofalitse batho bana ka lehlohonolo, hobane Moea, Khosi . . . Ba itse, “Mohoo oa Khosi o utloahetse liahelong.” Eng? Eng? “Khosi ea bahalaleli.” Mehoo le nyakallo! Ea eng? ’Muso o mong.

²²⁹ Ke tla le pakela hoba e ne e se mokha oa malumeli. Le batla ke etse joalo? Ke kholoa mona ke ngotse Lengolo la seo mona. E, monghali. E reng ke le pakele hore Israele e ne e se . . . Ha re phetleng morao ho Numere, le tle le bone hore ba ne ba se joalo. Bao . . . Joale, Moabe e ne e le mokhahali oa bolumeli. Re tla phetla Numere 23:9, ke tla kenyaletsa e—e temana ea 8 ho eona:

‘Me . . . ’Na nka—Na nka rohaka joang, (ho rialo Balaame), eo Molimo o sa kang oa mo rohaka? na nka halefela joang, eo MORENA o sa mo halefelang? (Uh-huh.)

²³⁰ Joale mamelang seo e . . . seo A se buileng:

Hoba—Hoba ke ’mone ke le qhooeng ea mafika, . . . (Ke Molimo oo. Hase ho tsoa tlase phuleng, empa ho tsoa qhooeng ea mafika. Oh! “Mahlo a Oona a bona le serobele, le ’na ke a tseba O ncibile.”) . . . ke ’mone ke le qhoeeng ea mafika, . . . (Amen! Hase ho tsoa nthong ea . . . ka morao ho phula e itseng ho bona karolo ea bona; “Ke bone ntho eohle,” Molimo o boletse.) . . . ke a ’moha ke le qhooeng ea mafika, ke ’mohile ke le hlorong tsa lithaba: bonang, ke sechaba se ahang se ’notši, se sa baloeng le lichaba.

²³¹ Na e batalalitsoe? E ne e se mokha oa bolumeli, “lichaba.” Oh, e ne e le baphaphatthehi, ka litente, lipakeng tsa meaho, tlase koung ea seterata, mishonenyana. Ho potela, ho renta, ba

ba rahela kantle; Molimo keha o batlile hoba ba ee nqa e 'ngoe. Le a bona? Baphaphathehi! Hantle!

²³² Koana Jamaika, nakoana e fetileng, mono keha ho eme ngaka e khabane ea khalalelo ea Mopentekosta. 'Me ka re, "Oh, Morena o kile a hlohonolofatsa Kereke eo ea pentekosta ea mesong hakakang: ba ne ba se na letho." Ka re, "E ne e le baphaphathehi feela, ho ka thualo."

A re, "Uh, Moena Branham?"

Ka re, "E, moena." Ho mo rata; moena ea khabane.

'Me a re, "Ke—ke ne ke batlile feela ho u bontša moo u leng phoso."

Ka re, "Oh, ke thabetse hoo haholo feela. Ke—ke batla ho tseba moo ke leng phoso kamehla, hoba Molimo o tseba seo; ha ke—ha ke batle ho fosa." Ka re, "Be, haeba ke le phoso, ke batla ho e tseba ruri, moena. Ke a u leboha."

A re, "Ha u phetse ho rorisa batho bao ba pentekosta."

Ka re, "Ehu!"

A re, "Ba entse phoso e nyarosang eo ba kileng ba e etsa, mohla ba rekisiseng thepa ea bona." Ho re, "Mohla hloris, ba hlokile malapa ao ba tšabelang ho ona. Ke ha ba se na nqalo ea setšabelo, eibile ba phaila hohle."

Ka re, "Thato ea Molimo hantle feela."

A re, "Hobane'ng?"

²³³ Ka re, "Holane malapa a ho khutlela a ba teng, empa keha ba tlameha ho tloha mona ho ea mane, ho hasa litaba, hohle, hore Moea o Halalelang o tlie. U se ke oa re ho 'na Molimo o etsa phoso. Ha O etse phoso le ka mohla. O tseba mokhoa oa ho e sebetsa. Ba rekisisit lithepa tsa bona ea eba baphaphathehi, ba jala litaba hohle." Le ho re, "Eaba litaba li jaleha hohle lefatšeng lohle le tsebjoang, ke baphaphathehi bao ba tetseng tsohle ho fumana Moea o Halalelang." Batho bao e ne e se litho tsa mokhoa oa bolumeli. Le a bona?

²³⁴ Joale, hopolang, mokha oa bolumeli ke seo Molimo o se bitsang, "Ho entela kahare thuto ea Balaame." Be, ka hona, ha a hlolehile ho ba sunya mokhatlong ona oa bolumeli, le tseba seo Balaame a se entseng? Joale, mame lang ka hloko, re atamela ho koala. Joale seo Balaame a se entseng, o entse hantle seo ba se entseng mona K'hanseleng ea Nicene. Ke ka hona A itseng, "U tšoere thuto ea Balaame le Banikola bao."

²³⁵ Joale, Banikola e ne e le batho ba ikhutseng ba batlile ho bopa mekhatlo le—le lintho tse joalo. Etsoe, qetellong... Ba ba kae ba tsebang hore ke 'Nete ha ke re, "mokhatlo"? Ehlile ke 'Nete ea Molimo. 'Me qetellong ba hlophisa mokhatlo o moholohali ka ho fetisa lefatšeng. 'Me ba o fetola eng? Katolike. 'Me ebe lentsoe katolike le bolelang? "Ka lefatše lohle."

Mokhatlo, lefatšeng lohle, o hlophisitsoeng, "Linthoana tsena tsohle li tšoanelo ho kena kerekeng e le 'ngoe." Joale, ha le ka lemoha. Oh, ke . . . ha u phetse ho tsoelapele.

²³⁶ Shebang! Babilona e ne e le eng? Babilona e theiloe ke mang? Nimrode. O entseng? O hahile tora e le 'ngoe e kholo motseng o moholo, a hlophisa metse e meng ho lebisa tlota motseng ona. Mokhatlo! Ke oo motheo oa eona. Ehlide. Ho tšeleta hantle ka mona mongoaheng oa kereke le ho boela a hlophisa hape, a sotetsa lichaba tsohle bo eona. 'Me hantle mona E itse, "Seotsoa se noesitseng lefatše lohle veine ea bootsoa ba sona." Bofebe boo a neng a bo etsa, o ipitsa "Mokreste" athe o aba nyee e kang eo: likatekisima, libuka tsa merapelo, le ntho eohle esele. Eaba ho fihla Maprotestanta, ntho e tšoanang, ba ile ba sala mehlala ea hae morao hantle.

²³⁷ Ho lokile, ha re khatheng tema nakoana joale. Ho lokile. Ho lokile. O boletse joale, ho re, "Tsena e ne e le lithuto tsa Baalame."

²³⁸ Joale, Balaame o entseng hoba iphihlele a sa—a sa khone ho rohaka Iseraele? A bolella Balake ekaba mohopol o motle, ke hona, holane a ka memela batho moketeng oa molimo. Ba besitse e—ba besitse e—e mokete o moholo holimo mono, ba ne ba . . . teng ba tla o tšoarela teng. 'Me bao . . . Mokete o bitsoa "Mokete oa Baal-p-e-o-r, Baal-peor." Ke a khola p—. . . peor, Baal-peor. E ne e le e—e mokete, ho rapela.

²³⁹ 'Me Balaame a re, "Joale, ke tla u bolella, Balake, ke tla u fa mohopol o motle. Feela ha u ka . . . ha u ka . . . Molimo o ke ke oa ba rohaka, ke phetho, ke tla u bolella seo re tla se etsa. Re sitoa ho ba tlosa; feela ha u ka ba mema, u ka faposetsa ntho eohle molapong oa hau."

²⁴⁰ Le a bona, ka nepo, hantle se entsoeng ke Konstantine. Ka bophethehi! Ke lona lebaka la "thuto ea Balaame."

²⁴¹ Ba ile ba etsang? Eaba ba . . . Thuto ea Balake ea theoha ea kena Israaeleng. Ba memela Baiseraele bohole moketehaling ona, oa bona oa littlele. Oh, pitikihali ea mofuta, ba besa keteko ea ntho holimo mono. Ha ba fihlile holimo mono, khele, batho bana ba Israele ba qalile ba bona basali ba batle bana ba Moabe, moaparo o chachehisama nama. E, ba sa tšoane le banana ba bona ba tloaelo tlase mane. "Oh, ba hlile ba le batle. Khele! Boitlhophiso ba bona 'me, oh, ba hlile ba le bokhoni ho iepespa." 'Me ba e oela sehlooho, ba qala ba feba. 'Me Balaame o tsebile hore ha Molimo o sa ba rohake, a ka ba ts'elisetsa lefapheng lena la mokha oa bolumeli a futhise khalefo ea Molimo ho ba bolae; Molimo o tle o ba bolae ka Boona, hola a ka ba faposa tsela ea 'Nete.

²⁴² 'Me hang ha u ingolisa le kereke bakeng sa ho amohela kolobetso ea Moea o Halalelang, u shoele! (Ha e a etssetsoa lona, empa holimo *mona*, ke e lesa ho thophothela nakoana.) Shoele!

“U na le lebitso,” ho itsoalo ho Luther mona, oa Mongoaha oa Sarda. Lentsoe *Sarda* le bolela “shoele.” “U na le lebitso la hoba u a phela, athe u shoele!” Ke seo Molimo o se buileng. Yaa. Le a bona?

²⁴³ ‘Me hoba ba etse bohlola ba moea holimo mono, kerekere ea nyaloa ho tsoa kolobetsong ea Moea o Halalelang ho ea ho mokha oa bolumeli, ba shoa. Ke moo. Ke seo Bibele e se buileng, ke seo Molimo o se buileng, ho bolelloa likereke.

²⁴⁴ Joale mona ke batla ho le balla lethoana, leo ke . . .

²⁴⁵ ‘Me Molimo, Oa etsang? ‘Me joale hoba ba etse bobe bona, ba se ba entse bohlola Molimo oa bolaea likete tse mashome a mane le metso e ‘meli hang; likete tse mashome a mane a metso e ‘meli, ka baka la bofebe. ‘Me hona ho bolelang mona kerekeng? Bohlola ba moea, u ipolela “Mokreste” athe u phela selefatše. Oh, moena, amohela Moea o Halalelang! Suthang litumeloaneng tsena tsa khale le lintho u . . . li shoele; ho thotokisa Tumelo ea Baapostola, kapa tumeloana ea mofuta, le ho thotokisa lithapelo tse ngotsoeng bukeng ea merapelo, kapa ntho e kang eo. Jesu ha eso laele barutua ba Hae ho etsa thapelo, O itse, “Rapelang!” Rapelang! Ho lokile.

²⁴⁶ Joale, mokete oa Konstantine, joaloka Balaame. Joale shebang. Joaloka mokete oa Balaame oa bopagane, Konstantine o ne a tšoare mokete oa bopagane. Ho lokile. Pergame e ne e mengoe. ‘Me lemohang sena joale . . .

²⁴⁷ Mona fatše ke ngotse lethoana, ke tla le tlohela hona joale hantle. Ho lokile. Ho lokile. Ke ne ke leka feela ho tšoara noutu ena mona ea e . . . lethoana leo ke le ngotseng.

²⁴⁸ Pergame ea mengoa. Ho lokile, ba memeloa moketeng ka morao ho K’hansele ea Nicene. Ba memeloa moketeng oa *Winter Solstice*; o bolelang, “letsatsi, ho rapela letsatsi,” e beng e le molimo oa bopagane; e thoasang ka Tšitoe oa la 21, letsatsi le lekhutsoane ho fetisa selemong. ‘Me lilemo . . . Nako eo ha e fetoha hofihlela Tšitoe oa la 25. Le ne le keteko ke bahetene bohole, letsatsi la tsoalo ea molimo-letsatsi. Letsatsi la tsoalo ea molimo-letsatsi e le letsatsi le lekhutšoane ka ho fetisa selemong, Tšitoe oa la 21. Mang ea kileng a bala nalane ea likereke o tseba bahetene ba rapetse ka letsatsi leo. E ne e le keteko.

²⁴⁹ Be, Baroma ba ne ba ts’oara . . . ba hlophisa lipapali tse kholo, diserekisi tsa Maroma. Ba bakae ba se boneng, ntho eo, mona nakoana e fetileng, ba se ntšitse? Ben Hur! Le a bona? Joale, diserekisi tsa Maroma; Maroma a hlophisa seo mohla letsatsi leo la nyene, sehopotsong sa letsatsi la tsoalo ea molimo-letsatsi. Le a bona?

²⁵⁰ ‘Me joale . . . ba hlophisa moketehali holimo mono ba mema Banikola ho nyoloha. Oh! Na ha e a phethahala? “Thuto ea Balaame e leng ho lona.” Le a bona, ho bolella Pergame seo ba tse ts’oereng, mabelo a maholo. Mono ba hopola ho re . . .

Banikola bana ba nahana, “Be, joale, ke botle. Moketehali ona o ketekoa selemo ka seng? E.” Ka memo e eang ho—ho—ho ea bitsoang arekabishopo, kapa seo a neng a le sona lekhatheng leo, le sohle, ba rera ho e tšoara selemo ka seng: ho kenyeletsa bohlola, ho kenya bofabe, ho bopa kereke ea Katolike; etsoe bolumeli bofe ba Protestanta ke setho sa eona, mokhatlo. Molimo ha o na mokhatlo, o hloile lona lebitso la ona. Bibebe e itsalo.

²⁵¹ ’Me ha ba entse hoo, ha etsahalang? Ba—ba re joale... Ba tlameha ho e nyanyatsa ka moeelo oa moea, ba fetola (Morena Jesu) tsoalo ea M-o-r-a oa Molimo ho tsoa ho ’Mesa (Etsoe baithuti bohle ba khabane ba tseba, le mang ea nang le litšenolo tsa moea, hore O hlahile ka nako ea tlhaho joalokaha likonyana le ntho efe e hlahla: ka ’Mesa.) motšeо koana ho fihla ho la 25 la Tšitoe. ’Me ho sa ntse ho rapeloa Keresemose, joale ke Santa Klause. Le eng... Oh, mohau. Le a bona? Ho ekelitsoe mekete e meng ea bopagane. Ke phetho feela. Ke moo, ho mengoa, Balaame. “Hara lona le na le thuto ea Balaame.” Ke eo. (Oho Molimo, e senole feela, Ntate.) Le a bona? Letsatsi la tsoalo ho tloha ho ’Mesa ho fihlela...

²⁵² Joale, ranalane o re “Bopaki bohle bo supa Jesu a hlahile ka khoeli ea ’Mesa mohla bophelo bo bong bohle bo melang.” Empa ba le fetoletsa morao letsatsing la 25 la Tšitoe, matsatsi a mahlano kamorao (le a bona?) kamorao ho molimo oa bopagane, ho ba khontša ho matahanya litšebeletso tsa bona ‘moho: bopagane le Bokreste. ’Me Bokatolike hase letho lefatšeng haese liphatsa tsa litumelo-khoela tsa bopagane le tsa Bokreste tse shobiloeng ‘moho. Ke hantle. Ke ’nete. ’Me Maprotestanta ba e obamela ’me ke morali oa ’mè seotsoa ka tšoanelo. Ke eona hantle.

²⁵³ Joale, Molimo o re thusre re be bahanyetsi ba makoma khahlano le ntho efe e seng ea borapeli. Le a bona? Oh!

²⁵⁴ ’Me ho efafatsa moeelo oa moea, na le tseba seo bishopo a se buileng? Bishopo o itse, “Ke tokelo ea rona ho etsa sena ka ha e le ‘Letsatsi la ho loka.’” Hmm! Oh, ba ichekela fera, joalokaha ba etsa ka “Ntate, Mora, le Moea o Halalelang;” Mattheu 28:19, ka ho tšoana, ka nepahalo. Ehlide, ba ipetlela fera, ba tlameha ho loha moeelo oa mofuta oa moea, le a bona. Empa ha e...

²⁵⁵ Bibebe e itse, “Taba e tla tiea ka molomo oa lipaki tse peli kapa tse tharo.” Molimo o buile mono, O e bua hararo. Efela ha Molimo o ts’oara letho ho le nepahatsa, O nkile Petrose, Jemesé, le Johanne; sohle seo O se entseng, Oa tlameha ho emisa lipaki tse peli ho isa ho li le tharo ho kholisa sohle seo O se entseng, ho haola le Lengolo lohle. Ke hantle.

²⁵⁶ Empa, le a bona, linthoana tseo li loketse ho fihla mono hore ba li thonake li tle li fetoha seo. Molimo o e tsebile le pele ho motheo oa lefatše. Ke oo ba o tšoere, moeelo oa moea, “Hobane ke M-o-r-a oa Molimo, re tla nka letsatsi bopagane la tsoalo ea

l-e-t-s-a-t-s-i re le fetole letsatsi la tsoalo ea M-o-r-a, hobane ke ‘Letsatsi la ho loka.’” Hmm! Hmm! Le a tseba, Maprotestanta a sa ntse a e oela sehlooho, ntho e kang eo. Ehlide, ba e etsa, ho e tlosa Lengolong hantle ho e maneha nqa e ’ngoe esele. Oh, banna! Ke . . . Ha re—ha re emeng mona motsotso feels. Ho lokile.

²⁵⁷ Lethoana leo ke batlang ho le finyella ke lena. Ha re phetleng temana ea ho qetela mona ea sena ka potlako ruri. Na re ka khona? Yaa. Be, ke hlile ke tla potlaka ruri, ka potlako ea ruri joale, ’me le tla . . . re tla E taka mabala-a-nkoe. Ho lokile. Re hokae joale?

Empa . . . lintho tse ’maloa . . . tseo ke . . . khahlano le uena, . . . Balaame, . . .

Ke hantle, eo ke tsoa ho eona.

Hape u na le . . . thuto ea Banikola . . .

Bake; . . . esere ka . . . tla . . . phakisa, ’me . . . loana le wena ka sabole ea molomo oa ka.

Ea na le tsebe, a utloe seo Moea o se bolellang likereke; . . .

²⁵⁸ Khele! Mona mohla Konstantine a entseng sena, ke ha e le . . . Mohla ba hlophisitseng moketehali ona. Ke—ke feels . . . Ke ne ke qalile ho sutha ho eona; ke tla ema pele ke e bala hoba Moea o Halalelang o lula o khutlela morao, lebaka leo ke entseng seo ke se entseng lekhatheng leo; ho re, “U se ke oa e koetla.” Le a bona? Ke ena e tla! Uh-huh, uh-huh, uh-huh. Ho lokile. Lebaka . . .

²⁵⁹ Mohla ba besitseng nthohali ena, (Ke batla ho le bolella se etsahetseng le tle le utloisise.) eibile tsoalo ea borakamora-mileniamo. Hobane kereke e ne e ruile; e ne e ruile ka bokhoni ba eona. ’Me e ne e le eng? E le matla. E ne e le okametse naha; naha le kereke li ne li le ’moho.

²⁶⁰ Joale, Molimo ka ’muso? ’Me na Jesu ha a ba bolela ba tla . . . ’Muso o mong le o mong e le oa hae, ho bolella Jesu joalo, ho Mo bontša mebuso ea lefatše, ho re, “O mong le o mong ke oa ka. Ke etsa borata ka eona.” Le ntano kopanya Molimo le diabolosi ’moho? Oh, le ke ke la e khona! Ruri, le ke ke la e khona. Ke ka lebaka leo naha e hlophisitsoeng. Molimo ha o joalo, mekhatlo ena. Ruri lekhale, le ke la e khona.

²⁶¹ Empa ba e entse mohlang oo, kereke ea bona ba e bitsitse Bokreste; ba ne ba e matantse le sechaba, ’musisi kaofela oa Roma, kaofela ha eona. E okametsoe eohle ke mobishopo e moholo, eena e le Boni- . . . Haisa-isa ba ’mitsa mopapa, empa e ne e le e—ne e le bishopo mohlang oo. ’Me Boniface III eibile mopapa oa pele.

²⁶² Ra ntano mo fihlela a lutse holimo mono joaloka mopapa oa mannete holima . . . Molimo oa bona, a eme ka sebopeho sa motho. Ba ne ba ahile lialetare tse kholo. Ba atetsoe ke maruo. Ba hahile lialetare tse kholo, tse matla, tse aliloeng mabole, li

khabile ka mabenyane, le lintho tse joalo, hohle holima eona. 'Me ba ahile likereke tse kholo. Ba ne ba laola naha. 'Me le a tseba keng? Polelo ea ata e reng "oo e ne e le Mileniamo," ha thoe lipallo tsohle tse etselitsoeng Bajuda bao ba mafutsana, ha thoe, "Molimo o ba lahlile" (athe O boletse A ke ke a e etsa le ka mohla), le ho leka ho thea Mileniamo pele Morena Jesu a khutla. Mohla Jesu a khutlang ke mohla Mileniamo o lulang.

²⁶³ Eo ke tsoalo ea kamora-mileniamo. 'Me ke ka baka leo Katolike e sa ruteng ho khutla ha Jesu, hofihlela letsatsi lena. "Ntho eohle e kahara kereke. Ona ke Mileniamo. Kereke e ruile ntho tsohle. Ena ke eona." Le a bona, kamora-mileniamo (Oh, banna!) kantle le ho khutla ha Jesu Kreste. Taba ena e tsoeletse ho isa polaong ea Konstantine e lhahileng lipakeng tsa 312 le—le...A.D. 312 le 606. Ebile Boniface III o hlongoa mobishopo ea ka lefatšeng lohle kapa mopapa holima kereke e ka lefatšeng lohle.

²⁶⁴ Ke a kholoa re tla qetella temana ena, ke tla be ke e fumane. Ho bokoe Molimo. Le a bona? Joale, ke ile ka e koetla motsotsotso feela. Temana ea 17:

Ea na le tsebe, a utloe seo Moea—Moea o se bolelang likereke; Ea hlolang ke tla mo neha ho ja...manna a patiloeng, ke be ke mo fe lejoe le lesoue, leo ho ngoliloeng ho lona lebitso le lecha, le sa tsejoeng ke motho haese ke ea le amohelang.

²⁶⁵ Na re ka mpa ra emela hosane bosiu, kapa ra e tšoara joale? [Phutheho e re, "Joale!"—Mohl.] Ho lokile.

²⁶⁶ Ntate ea Maholimong, ke U rapela ho neha batho kutloisiso joale, ka Lebitso la Morena Jesu, ba utloisise hohle (le moo liteipi li tla fihla teng), ba tsebe hobane ke—ke bua sena hobane E le—E le koahollo e Mokhethoa eo U 'neileng eona. Amen.

...ea *hlolang*...

²⁶⁷ Ntho ea pele eo ke batlang le e hopole: o mong le o mong oa melaetsa ena ha o a lebisoa ho kereke, empa ho lengeloi la kereke. Shebang morao mona, ea pele, kereke ea Ef—...Ngolla kereke...Ho...

Ngolla lengeloi la kereke ea Efese... (Ke hantle?)

²⁶⁸ Ho lokile, mongoaha o latelang, temana ea 8:

...*ngolla lengeloi la kereke ea Smirna*...

²⁶⁹ Ho lokile, le temana ea 12:

...ho *lengeloi la kereke ea Pergame*... (Na ho joalo?)

²⁷⁰ Molaetsa o lebositsoe ho moetapele oa kereke. Molimo o thusemothaka eo ea ka fapohang Molaetsa oo! Empa O neiloe lengeloi, 'me lengeloi le ne le le letsohong la Hae tlasa taolo ea Hae ka Sebele, le fuoa matla a hlolang a tsoang Eena, ho tsoa letsohong la Hae le letona. Ba letsohong le letona la Hae, ke ho re, ba

matleng a phahameng mehleng ea bona mona lefatšeng; hobane ke Maseli a tsoang ho Eena, a khantšetsang mongoaha oa kereke Leseli. Le a bona? “Ngolla *lengeloi* la kereke.” Ho ngolloa *naleli* (ea mongoaha) e jereng boikarabelo. *Lengeloi* la kereke le jere boikarabelo haeba le sa bolele Lentsoe. Ke hantle. ’Me *lengeloi* leo le tla lokela ho arabela kahlolong.

²⁷¹ Ba hopolang pono ea nakoana e fetileng mona ba bakae ea... Shebang mona. Mohlang oo ke—mohlang oo ke paqame liphatheng, eaba Moea o Halalelang o a fihla; ’me ka sheba morao, mohatsa ka mono. ’Me ’na ke robetse mono, eabe ke nyolohela ka pela Sefahleho mono, ka bona batho bao bohle. ’Me na le sa nkhopola ke le phethela eona? Kaofela ha lona. Le a bona?

’Me ka re, “Be, na bao...?”

A re, “Ke ba hau.”

’Me ka re, “Na bao bohle ke ma-Branham?”

A re, “Che.” Ba ne ba le limilione mono. A re, “Ke basokolloa ba hau.”

’Me ka re, “Basokolloa?”

²⁷² “U bona mosali eo u mo tsotileng hakaale, mane, ea mocha le e motle,” ho re, “u ne a tlotse mashome a robong mohla u mo tataisetsang ho Kreste.”

’Me ka re, “Oh!” ka re, “Athe ke ne ke tšaba see?”

’Me a re, “Mona re emetse ho khutla ha Morena.”

Ka re, “Ke batla ho ’Mona.”

²⁷³ Ho re, “U ke ke oa ’Mona hona joale, empa,” ha thoe, “O tla khutla ka potlako. Re Mo emetse, empa mohla A tlang, pele O tla tla ho uena. ’Me u tla ahloloa ka Evangeli eo u e boletseng, rona re tla ba bahlanka ba hau.”

“Be,” ka re, “u bolela hore ke jere boikarabelo ba bana bohle?”

“Kaofela ha rona!”

Ka re, “Be, na e mong le e mong...?”

A re, “U tsoetsoe u le moetapele.”

’Me ka re, “Be, na e mong le e mong o tla ikarabela?”

A re, “Moetapele e mong le e mong.”

Ka re, “Ho ka thoeng ka Santa Pauluse?”

Ho re, “O tla jara boikarabelo ba mongoaha oa *hae*.”

“Be,” ka re, “ke rerile Evangeli e tšoanang le ea *hae*.”

Eaba mantsoe a limilione a hooa, ha thoe, “Re phomotse holima eona!” [Phutheho e re, “Amen!”—Mohl.] Le a bona? Ke moo, “phomola.”

²⁷⁴ Ka baka leo *lengeloi* la Molimo, moromuo a kereke, o jere boikarabelo ha a sa bolele Lentsoe. Ho lokile.

²⁷⁵ “Manna a patiloeng.” Ha re e koaholleng ka bokhoni ba matla a rona. Ebe “manna a patiloeng” a bapisang? Manna a patiloeng e ne e le manna a beoang nqalong... kapa bohobe ba pontša, kahara Bibele, bo khethetsoe moprista a feela. Ba ba kae ba e tsebang hohle? Le a bona? Joale, a ne a sa etsetsoa... Phutheho e ne e khetheloa bohobe ba eona, empa moprista o ne a khetheloa bohobe bo ikhethang. Na ho joalo?

²⁷⁶ Bona ke bohobe bo ikhethang, bohobe bo ikhethang, manna a *patiloeng*. Ke eng? Manna a rona ke mang? Kreste. Ho lokile, Santa Johanne, khaolo ea 6, temana ea 48 ho isa ho 50, haeba u ntse u ngola. Jesu o itse E ne e le “Bohobe ba Bophelo bo tsoang ho Molimo Leholumong,” Manna.

²⁷⁷ Be, ebe keng “manna a patiloeng”? Manna a sa fuoeng phutheho eohle. Tšenolo e tšolleloa holima lengeloi la kereke, tšenolo ea Letsoe. Le a bona? Tšenolo ea Lentsoe e fuoa lengeloi la mongoaha oo, hoba e patuoe hohle, ’me e boela senoleoa hape (manna a patiloeng) ho... E ngolloa *lengeloi* la kereke. Le a bona? Le a e tšoara? Ke tšenolo e kholoanyane ea seo Kreste a leng sona, mohlomong pitso e holingoana.

²⁷⁸ Ke a ipotsa haeba Luther a lemo hile seo? Ke a ipotsa haeba Wesley a khonne letsatsing la hae? Oh! Ke a ipotsa haeba Santa Martin a e eleletsoe? Irenease? Joale, le a tseba, kereke ha e a hloma banna bao folaga, ho bona e ne e se le bahalaleli; empa ke bona ba neng ba teetsoe hare ke lipontšo. Ba thontse ba habo bona—ba bona babishopo, le ba joalo, ba ba hloma folaga.

²⁷⁹ Khele, mona nakoana e fetileng, mosali o tlohile ho ea batla *Bophelo ba Santa Martini* setorong sa libuka tsa Senyesemane. ’Me eitseha... A re, “Santa Martini.”

²⁸⁰ ’Me motho eo a phahla raka, a re, “Nalane ha e mo tsebe hakaalo, ha a hlongoa folaga.” Le a bona? Le ho fihlela kajeno; empa Molimo o tšoere lebitso la hae, Molimo o mo tseba hoba ke mang.

²⁸¹ Le a bona, phapang ke eo. Motho o batla lebitso la hae kahara ntho e itseng e kholo, empa batho ba Molimo ba batla ho hanelia nyee ea mofuta oo. Ha ba batla lintho tse kholo tsa litonana, le nthohali e kholo ea mofuta; ba batla ho ikokobetsa, boikokobetso boo. Mokhoa—mokhoa oa ho nyoloha ke tlase. “Ea ikokobetsang o tla phahamisoa; ea iphamisang o tla kobotetsoa.” Ea ikokobetsang. Se leke ho ba selohohali sa setonana; leka ho ba nthoana e sa tsebisahaleng, feela u be seo u leng sona. Le a bona? Eba monyenyane mahlong a Molimo, eba monyenyane mahlong a hau, e mong le e mong o u fetisa ka boholo. “E moholo ka ho fetisa hara lona e be mosebeletsi oa bohole.”

²⁸² Ea neng a ka fetisa Jesu Kreste ka boholo ke mang eena ea Itlamileng a hlatsoa maoto a barutuoa? Mohlatsoa-maoto, O ile a fetoha seo. Molimo oa Leholimo, 'Mopi oa maholimo le lefatše, a hlatsoa maoto a litšila bakeng sa batšoasi ba lihlapi (Oh!) a tletseng moiteli le lintho, le lerole la litsela, liaparo tsa bona li le pheutse, a ntano le hlatsoa; Mohlatsoa-maoto, seo A neng a le sona. 'Me re a nahana, "Na ke motho ea itseng. Re tlameha ho ba Ngaka, Ph.D., *Sekete-kete.*" Oh, banna! Eo hase Kreste. Hoo ha ho pepese lerato . . . Jesu Kreste ea ratehang. E ne e le Mohlanka oa bohole. Ke hantle. Ho re ruta mohlala oa ho etsa ho ba bang joalokaha le rona A re entse. Oh, eo ke—eo ke Morena oa ka. Se Mo etsang e moholo, hobane A Ipehile e monyenyanne. Le a bona, ke sona se Mo behileng e moholo.

²⁸³ Ke fuoe monyetla oa ho kopana le banna ba baholo bophelong ba ka, 'me ka fuoa le monyetla oa ho kopana le banna ba *hopotseng* ba le baholo. Monna e moholo kannete o leka hore u nahane e moholo e le uena eena e se letho. Le a bona? Ho kopana le likhosi, le ba joalo, le banna e leng banna ba baholo kannete. 'Me u kopana le Bakreste ba makhonthe ba inehetseng, ka liaparo tse libata, le lintho tse kang tseo. 'Me ba bang ba kena sefaleng ba khabile mekhabo 'me e be . . . Le a bona? Oh, banna! Be, e hole hakaale . . . Ho lokile.

²⁸⁴ "Manna a patiloeng," nthoana e *ikhethang*. Ntho e *ikhethang* ke efe? Hase ntho ea ho . . . Mahlohonolo a Moea o Halalelang? Oh, che, a etselitsoe phutheho eohle. Empa "manna a patiloeng" e ne e le tšenolo e ikhethileng hoba o ne a tlameha ho ruta ba bang. Le a bona? E ne e le tsebo e batlang e fetisa ea Lengolo, a tle a khone ho ruta ba bang. O tlamehile joalo. Na ho joalo? U ke ke oa phela holingoana ho feta molebeli oa hau. Hopolang taba eo feela, le a bona. 'Me ka hona . . . Hobane ke molisa ea u fepang. Haeba e le molisa, o tlameha ho tseba moo manna a leng teng, ho fepa e—e linku. Na ho joalo? Joale, nthoana e ikhethileng. 'Me le shebe sena motsotso feela, tšenolo, manna a patiloeng.

²⁸⁵ Joale, "Lefika le lesoue, o tla ba le lefika le lesoue." Lengeloi lena le tla ba le lona lejoe le lesoue. Ke lefika, hase lona? [Moena o re, "Hloeko."—Mohl.] 'Me e . . . O nepile, "hloeko."

²⁸⁶ O—O kopane le monna khetlo le leng lebitso la hae e le Simone, eaba O fetolela lebitso la hae ho Lefika, "Petrose." Hobaneng? O ne a tšoere linotlolo. Na ho joalo? O fetotse lebitso la hae oa mo etsa lefika. Na ho joalo? Petrose o ne tšoere linotlolo hobane e le eena ea neng a tšoere linotlolo tsa 'Muso.

²⁸⁷ "Lebitso le lecha, lebitso le lecha le ngotsoeng lefikeng lena le sa tsejoeng ke motho haese ke eena." Eena o a itseba na ke mang, feela a ke ke a bolella ba bang. Le a bona? Le a bona? Ha le tsejoe ke motho haese ke eena. Le a bona? Petrose o itsebile a tšoere linotlolo, empa ha le a mo utloa a ithorisang ka eona. Le a bona? Mathaka ana a ithorisang ka seo ba leng sona ka

tloaelo hase letho. Uh-huh, uh-huh. “Lefika le lesoeu, le lebitso le lecha ho lona.” Hase lebitso la hae ka sebele, empa ke motho e mong osele (Le a bona?) le tsejoang ke eena a ‘notši; ea ts’oereng lejoe, lebitso. Le a bona, manna a ikhethileng ho fepa kereke, hopolang.

²⁸⁸ Hopolang mohla Sena se ne se etsahalla kereke ena, e ne e le ona mongoaha oo (e le ka eona nako eo Sena se neng se senoloa) Banikola ba itlhometseg hlooho ea kereke ea *bona*, mopapa, ‘me ba mo fa aletare ea lefika le lesoeu fats’e, tlaza hae, aletare ea mabole. Na ho joalo? ’Me ea manehoa likonoponyana, le lintho tse joalo, e ne e le theko e thata ho *eena*.

²⁸⁹ Empa lengeloi lena la Morena le itsebile hoba *e* ne e le mang, mora oa Molimo, ka—ka tšenolo ea Jesu Kreste.

²⁹⁰ ’Me mohla—mohla Banikola ba hlomang moetapele oa *bona* ba mo alla lejoe la mabole maotong (Le a bona?), Molimo oa hloma moetapele oa Oona ea tletseng-Moea bakeng sa sehlopha sa Oona se tletseng-Moea; lengeloi la Oona; ‘me Oa beha holima hae tiiso ea lebitso, feela ha a tšoanelia ho le senola. O tšoanelia ho ipolokela lona, le a bona. “Ha le tsejoe ke motho haese ke *eena*.”

²⁹¹ “Manna a patiloeng, lejoe, lebitso le lecha le sa tsejeng ke motho haese ke *eena*,” ‘me o ne o ngoletsoe lengeloi la kereke. Ke a ipotsa ebe Luther o tsebile taba eo? Ke a ipotsa ebe Wesley o e tsebile na? Ke a ipotsa ebe—ebe mangeloi a mang a maholo na?

²⁹² ’Me ke a ipotsa kajeno, haeba kahara... Ho tla fihla lefatšeng ka potlako, lengeloi le leholo la Leseli tlāng ho tla ho rona, le tlāng ho re tataisa le re ntša, Moea o Halalelang o moholo, o fihle ka matla, le ho re tataisetsa ho Morena Jesu Kreste. A ka tsoa-tsoa a sa e tsebe, empa o tla fihla mona le leng la matsatsi ana. O tla e etsa... Molimo o tla mo tsebisa. A ke ke a tlameha ho itsebisa, Molimo o tla mo tsebisa. Molimo o tla paka ba Oona ka Sebele. O buile joalo mehleng ea Jesu mona ‘me ba sa Mo tsebe, le a bona. O itse, “Ekareha Ke sa etse mesebetsi ea Ntate oa Ka, le se ke la lumela ho ’Na; empa ekareha Ke etsa mesebetsi ea Ntate oa Ka, feela le sa lumele ho ’Na, le mpe le lumele mesebetsi.” Na ho joalo?

²⁹³ Oh, na ha A babatsehe! Buka ea Tšenolo. Joale, na le bona moo likereke li emeng teng? Ho bona kamoo ba pupelitseng? Ho bona kamoo kereke e tsoileng ho ea kantle mona? Joale, *ona* ke mongoaha oo re o tlelang hosane bosiu, ha Morena a ratile.

²⁹⁴ Joale, ke masoabi ho le liehisa halelele hakana, empa ke—ke—ke tšepa le—le tla ithuta ho hong. ’Me le ngola linoutšu, etlereha... Ke tšoere tse ling mona, maqephe a ka bang mararo kapa a mane hape, empa ha ke na nako ea ho e finyella, ‘me, hoba nako e ntse e phirima, e batla e le metsotsa leshome le metso e supileng joale pele... Empa re tla e kenya bukeng, le hona, ka hona re tla—re tla—re tla e fumana.

²⁹⁵ Joale, ba bakae ba Mo ratang ka pelo eohle ea lona? Ba bakae ba Mo lumelang ka pelo eohle ea lona? Oh! Joale, le nahana nka ema mona kahobane feela re se kahara mekhatlo— kahobane re se kahara mekhatlo re bua lintho tseo ke hona? Na joale le a utloisia, baena, hobaneng 'na—'na (bophelo ba ka bohle) ke loanne khahlano le ntho eo? Le a bona, E ne e le Moea o Halalelang. Le 'na ka bona ke ne ke sa e utloisise, ha ke a e tseba haese hofihlela matsatsi a 'maloa a fetileng. Le a bona? Ha kea tseba ke se nketsitseng eona; ha kea tseba hobaneng khafetsa ke hlabile mokhosи khahlano le basali ba phelang bohlasoa, le lintho; ke ne ke sa e tsebe, ke etsa joalo joale. Le a bona?

²⁹⁶ Joale, Morena o a tseba lintho tsena li fosahetse. Ke tsena li hotolloa nalaneng, le ho fihla...Bibele e boletse...Joale shebang mona, Bibele e boletse (pele ho nako) ha thoe lintho tsena li tla hlah. Joale, re tseba seo, ha re a tseba na? Re ntano nka nalane ea mongoaha oo, ra e bona e hlahile hantle feela kamoo Bibele e boletseng. Na ho joalo? Be, ka hona, ha re theohela mona mongoaheng oa kereke ea *rona*, le seo A se lepang mongoaheng oa kereke ea *rona*, e tla etsahala hantle feela kamoo Molimo o e boletseng. Na le lumela seo? Oh! Na ha le batle...

Oh, ke batla ho 'Mona, ho sheba 'fahleho sa
Hae,
Teng ho bina kamehla mohau oa Hae o
pholosang;
Ke pha'mise lentsoe la ka literateng tsa
Khanya;
Maima a fetile, joale ke lapeng, ho thaba
kamehla.

Oh, ke batla ho 'Mona, ho sheba... (Ba bakae
ba batlang?)
Teng ho bina kamehla mohau oa Hae o
pholosang;
Ke pha'mise lentsoe la ka literateng tsa
Khanya;
Maima a fetile, joale ke lapeng, ho thaba
kamehla.

Joale le sa tsukutlana ka matsoho, kapele, kamorao, le mathokong, le Mamethodise kaofela, Mabaptise, Presbeteriene, kapa eng:

Ha ke haola 'fats'eng lena, ke ntse ke bina,
Oh, ke supisa meeaa Kal-... (E seng kereke,
Kalvari.) Ka mophula o mofubelu,
Metsu e ntlhabile moea, kantle, kahare;
Feelaa Morena oa ntsamaisa, ke ts'epele ho
Eena.

Ha re emeng joale:

Oh, ke batla ho 'Moha, ho sheba 'fahleho sa
 Hae,
 Teng ho bina kamehla . . . (Ha re phahamiseng
 matsoho rona.) . . . mohau o pholosang;
 Ke pha'mise lentsoe la ka literateng tsa
 Khanya;
 Maima a fetile, joale ke lapeng, ho thaba
 kamehla.

²⁹⁷ Oh, ke Mo rata joang! Ke Mo rata joang! Ho a babatseha! Ho
 a babatseha!

Ke setsoto, ke setsoto, Jesu ho na,
 Moeletsi, Khosana ea Khotso, Ke Molimo o
 Matla;
 Oh, oa mpoloka, o mpaballa sebeng le
 masoabing,
 Molopolli ke setsoto, ho rorisoe Lebitso la Hae!
 Ke ne ke lahlehile, joale ke fumanoe, ke
 lokolotsoe tsuong,
 Jesu o aba tokoloho le poloko e tletseng;
 Oa mpoloka o mpaballa oh, sebeng le
 masoabing,
 Molopolli ke setsoto, ho rorisoe la Hae . . .

E mong le e mong, ka lerata le leholo;

Ke setsoto, ke setsoto, Jesu ho 'na,
 Moeletsi, Khosana ea Khotso, Ke Molimo o
 Matla;
 Oh, oa mpoloka, o mpaballa sebeng le
 masoabing,
 Molopolli ke setsoto, ho rorisoe Lebitso la Hae!

Oh, ho babatseha hakakang!

Oh, ke setsoto, ke setsoto, Jesu eo ho 'na,
 Ke Moeletsi, Khosana ea Khotso, Ke Molimo o
 Matla;
 Oa mpoloka, o mpaballa sebeng le masoabing,
 Molopolli ke setsoto, ho rorisoe Lebitso la Hae!

²⁹⁸ Ha re reng 'moho, "Ho rorisoe Lebitso la Hae!" [Moena Branham le phutheho ba bua 'moho—Mohl.]: "Ho rorisoe Lebitso la Hae!" Molopolli oa ka! Hopolang hosane bosiu, hora ea bosupa. Hofihlela mohlang oo, hofihlela le khutla hape, etsang sena:

Inkele Lebitso la Jesu,
 Ngoana masoabi le tlokotsi;
 Le tla u thabisa, le ho ts'elise . . . (Ke thabo ho
 le bona mona baena, Morena a le sitse.)
 . . . hohle moo eang teng.

Bitso le ratoang (Bitso le ratang), Oh le monate!

(Oho le monate!)

Tšepo ea lefatše le thabo ea Leholumō;

Bitso le ratoang (Bitso le ratoang), Oh le
monate!

Tšepo ea lefatše le thabo ea Leholumō.

²⁹⁹ Re sa inamisa lihlooho tsa rona thapelong, sefela sa ho qetela,
kapa temana ea ho qetela:

Lebitsong la Jesu ba inama,

Ba namalla . . . (Morena Molimo, folisa bana,

Morena, re sa . . .) . . . re tla Mo tlotla,

Ha eto la rona le fedile.



MONGOAHA OA KEREKE EA PERGAME SST60-1207
(The Pergamean Church Age)
THERO LETOTO TSHENOLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Laboraro mantsiboya, Tshitwe 7, 1960, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org